

列朝詩集

夏朝詩集

丁集第四

皇甫舉人沖八首

皇甫僉事涍五十六首

皇甫僉事汎一百六十六首

皇甫同知濂二十四首

周山人詩二十首

徐山人麟三十九首

黃舉人魯曾二首

豐子德水四首

姜布衣玄三首

蔡侍郎汝楠五十三首

王九江廷幹二首

施青州峻七首

侯布政一元四首

覽侯一麌二首

吳參議子孝二十首

孫處士艾一首

孫太學七政六首

鄧舉人執四首

皇甫舉人沖

沖字子浚長洲人順慶太守錄之子也錄舉弘治癸丑進士以博雅稱子浚登嘉靖戊子鄉薦而三弟曰涍字子安汎字子循濂字子約皆舉進士子安先卒子循子約宦不達而子浚猶上公車蹭蹬二十餘年而卒庚戌

下第有還山詩一卷壬子遊廬山有紀遊詩一卷自爲之序詞致甚美全集凡六十卷子浚博綜群書留心世務爲人甚口好劇談宿學爲折角莫能邪又好騎射通挾九擊琵琶音樂博奕之戲吳中文士與輕俠少年咸推爲渠帥武宗卽位正法凌遲撰緒言及申法車駕南征撰已庚小志大同之變撰幾策幼好談兵憤北虜龍城下撰兵統及滅胡經海寇突厥當事無策撰枕戈雜言凡數十萬言今與其全集皆不傳于世金陵張文寺曰四甫之才子浚爲冠亦闡幽之論也

燕歌行

楊柳詞

秦軍未解邯鄲圍燕丹新自秦城歸仰天叩心祭長歎燕山六月寒霜飛質子當年苦拘迫馬爲生角鳥頭白歸來傾國思報讐不知誰是橋邊客忽聞燕市多俠徒時相哭泣時歡呼百金求得趙七首千里獻將燕地闊慷慨於期頭在篋落日征車猶未發聲斷誰知筑裏心歡愁試看冠中髮荆卿一去不復還至今易水流潺潺黃沙迢迢照孤月秋今行者凋心顏

上林新柳弄新暉柳上春來春又歸江南此日絮應盡北地今來花未飛

一自離家五經月夢裏垂楊別時折春歸不遠舉間無春去其如花上鶯
人道京華別樣春我獨逢春愁殺入陽和偏到宇文樹風力長吹庚亮塵
塵飛莽莽蔽白日禁柳官花自顏色何事當年撫樹人今日還來淚沾脣
脣淚沾衣不得乾人生何似客中難年華易逐東流去白髮羞將鏡裏看
眼看白髮何能改故閨楊柳應猶在婀娜長條拂地垂莫使春光不相待

袁抑之黃門防秋師還

秋風瑟瑟吹旌竿廷臣讐軍西出關滿飲卮酒謝知已擒戎只在笑談間
憶昔胡馬遼陽入長屯短戍無完壁烽火夜照蓬萊宮黎民半死長安陌
天子授父寢門前軍無見伍張空拳平兵已受屬鏃死元戎尚擁嬌娥眠
一朝戎首念巢穴引馬西峙捲吹葉但道姚崇非將才那知馬齒爲胡謀
權豪自古難爲終倏忽有詔收奸雄天子神明萬里外何況區區掌握中
妖氛已靜狼烟絕邊戍防秋猶未報閭外誰專司馬謀軍中須仗辛毗節
君騎紫馬嘶方城從金伐鼓虜魂驚將軍勒兵視馬首左顧右盼英風生
羯胡戰敗無歸路下馬濡毫作飛布由來神武不勞師杕杜承恩歲云暮
君歸解劍服錦衣手持封事叩丹墀上功幕府不相借慙直惟有君王知

讀君封事若琬琰中行聞之舌應捲男兒意氣在封侯投筆却慚班定遠
吾才不是洛陽生況乃白髮垂星星禁中頤牧有公等何須重問滅胡經

予嘗著滅胡經十六卷

閏三月十日將別王翊與之痛飲醉後作將進酒

將進酒解雙璧敝裘羸馬長安陌長安麌頭香可憐一飲須當盡一石手
引六博狂叫呼當盤一擲得五白千古興亡亦爾爾眼前得喪何曾惜市
上高陽吾不識且聽胡歌彈虎拍載進酒君莫辭人生失意亦有時韓生
不死淮陰市寄食漂母身無忤歸來報恩召中尉昔日王孫今是誰狂風
捲地吹飛塵昏霾四塞白日沉錦屏繡帳誰家子羅珍列玉宵盍簪皓齒
呈歌細腰舞樽前一笑輕千金燈殘燭復紛交錯折纓引袂招樊心惟願
泰山長不傾豈知莽草生階陰拂衣把酒對明月莫令衰鬓煩憂使君不
見阿房巍巍五千尺黃金爲塗玉爲城徐市東遊竟不帰海上空傳巨人
跡漢武效之築建章文成五利爭輝赫人生得受君王知縱死猶勝守蓬
萊又不見衛青元是侯家奴倅逢發卒征單于破虜擒王拜大將舊日侯
家今有無白首一經守文墨笑殺申穆空爲儒遂使班超奮投筆恐負人

生七尺軀邇來投筆何所從不如黃白能爲功排金入紫若有神馳卿走
相如發蒙馬遷四顧下蠶室崔烈一日居三公出門但見可憐子斜封墨
勅誨豪雄笑謂吾徒不解事赤手干渴誰與通恐訴無言端飲酒哺糟吸
醕復何咎莫泣下和興莫問楊雄旣畢生浮甕中劉伶祝婦口將從阮籍
乞步兵又似陶潛尋五柳吁嗟此輩安在哉明日解醒須五斗

維摩寺雨坐

回嶺無仄徑陟岡有夷壤展跡入空濛遊心益昭朗長風吹輕衣飄搖翠
微上古寺迷夕烟明燈澹綃幌冥雨從東來驚雷自西往林密忽不見但
聞山澗響昔我非避喧心瑩乃成賞爲禮沉疴踪因之知幻象

從田橋石徑赴拂水

江光開初霽山雲未全飲輕烟尚棲花積雨猶在鮮拂展遵廻蘿援蘿上
修峴環林何逶迤磴道幾回轉游心自忘罷策足乃知塞含章樂丘圓耽
隱易白鉢頓使昔念舒乃得今抱屐將尋出世人一徃不復返

於巖石上眺東西兩湖

旭踐山中蹊午憩巖上石雲移石欲墮雨簷跳滴濕倚策騎兩湖波光煥

相娛東若旣紓青西衡亦凝碧芙蓉落雙鏡天影浮重璧不覩水分流但覺洲如織檣鳥有離聲磯鷗無並翼會茲物化情感彼高深迹從適得所遺何爲苦拘迫

見新草

北地無暄候不知冬與春朝來原上草忽見一叢新能亂行邊思頓迷望裡神天涯三月暮猶作未歸人

皇甫僕事涇

涇字子安順慶之第二子也嘉靖壬辰進士除工部虞衡主事尋改主客累遷主客郎中自虞衡至主客凡歷四署所在職辨在儀制特貴溪爲宗伯請建儲表凡十上皆子安起艸貴溪用是當世廟意得超拜會置東朝官屬貴溪首推子安遂補右春坊司直兼翰林簡討車駕幸承天子安以禮曹厄從會改官不果行忌者乘間論劾左遷廣平府通判量移南刑部主事進員外升浙江按察僉事甫三月坐南計論點未及赴調鬱鬱不樂發病卒年四十九子安自負高峻與人居非同調或竟日不發言若官操切既多忤物又稍矜與時匪異故宦屢躋不達其卒也蔡子木爲詩哭

之云五字沈吟詩品絕一官憔悴世塗難每爲人誦之輒嗁咽流涕子涉
集其所作爲少玄集而子循序之曰方其家食含章與中表黃魯曾省曾
洞庭徐縛稱詩篤好少陵旣而李何篇出病其蹊徑專意建安嘗曰詩可
無用少陵也解巾登仕與蔡王二行人廣搜六代之詩披味耽說雅許昌
穀乃曰詩可無用近體也又與王文部李司封唐陳二編修勵談開元天
寶之盛而心醉焉乃曰詩雖選體亦無使盡闕唐風七言易弱恐降格錢
劉也故其詩特工五言而七言今體薄不加想魯曾之子河水評其詩云
司直含咀八代苦心覃思每製一篇必經百慮阮薄杜陵之史心醉殷璠
之鑒蓋東覽優于諸集而五言長于七言斯定評也余觀國初以來史吳
文學歷有源流自黃勉之兄弟心折于北地降志以從之而吳中始有北
學甫氏黃氏中表兄弟也子安雖天才駿發而耳目撫染不免浸淫時學
子循之序所謂篤好少陵者非好少陵也好北地師承之少陵也已游于
蔡王而輶躅始分阮游于唐陳而質的始定於是壹意唐風而盡弃黃氏
之舊學矣子循之所謂無用少陵者非薄少陵也薄北地剽擬之少陵也
子安刻廸功外集皆昌穀未遇空同之作深非李子守化之言以爲知之未

盡厥有旨哉子循之自序與子安亦略相似子安少折于李何子循長壓于王李文章之道不惟以時代上下抑亦以聲勢盛衰良可慨也自王元美藝苑卮言記吳中盛事謂太原兄弟並擅青華汝南父子嗣振騷雅至今海內流爲美譚而中表因依研席應求文章問學風氣寄移非深思論世置身於百年以前未能或知也余故詳著之以表微焉

秋日雜詩三首

幽居測時化尋逝一何速輕葉委前墀遠郊氣已肅臨窗啓玄玩披襟會深囁慾揚覽秋暉凝光薄巖岫草蟲鳴空隅悲人詠凌谷鶴言泛憎耕乘流開情蓄

涼風吹嘉樹萬物遺光澤嚴氣乘運流華月晞如客凝霜無停艷違寒有來朝歎彼往化駛感此淪歲迫修慮時多懷滯念誰與釋固窮見天道委順自夷憚齊物遊恬漠高翔出形役

居世若浮雲飄忽無定姿滅影幾何間垂彩在一時存此豈不懷長戚信自貽四節更代謝白日正西馳寄身於飄塵咄嗟復何之願逐枋鳥游不隨豐艸萎攬衣步列星極目散所思睨彼遙漢間會合恒有期營營非物

化琴歌爲我儀

代古

朗月升東闕流輝照苦頰愁思撫清夜房櫳淒以聞玉墀花梢廣簷鳥雙飛還凝薰空錦衾游塵集綺絃馳波豈盡意浮雲難結言所恨千里遙所望一水間

雜詩

華節倏云逝流芳尚可憐分明婉孌日不計別離年聽燕語簷隙看絮舞韶前匪舞合歡艸幽愁誰能斷

東齊枕上

閒臥東窗失遂得成然趣枕上桃花源花開不知數啼鳥自無心何事客驚宿翩翩峰畔霞臺溪前樹俄頃夢還成去盡春山路

春朝雪後

拂階啓荒扉雪照蘭林望迴榭眺氣氣層原閑彌亘春動鳥數聲晴開烟一徑欲訪垂綸人悠然五湖興

秋燕

廣庭淨宵色良夜悅流翫況對巢箕人同懷發幽讚散步林暝交微星吐
華粲彼美雲中魄徐駕升清漢玉彩含霜來金霏隨風散繁絃起兩階孰
知我心亂

謂伍子胥廟

列雉影滄波望望深雲樹廻照延清襟芳阡引幽步曲闊抗蘭寢靈旗出
殘霧疇昔抱餘悲悵矣前溪路解劍遙英風薦潔申遐慕芳艸忽復春東
門靄如故烟明刹殿霞風滿平池露向月臨江洲含情不能渡

汶上分水

異縣值分流客望倚孤舟情雲南北散離淚東西浮堤柳依吹管山花覆
酒樓惟當艷陽歲含景送春愁

發郡城之天台道中述所經覽寄孔謝二憲副趙何二僉憲同年
夕夢曾城阿曉行濟波上繁溪復舍流連岑時隱障風溼信千轉雲峰非
一狀錦績紛迎撓氤氳忽彌望蘭泉芬可掬苔壁險難傍思偕同懷子攜

手追禽尚

桐巖曉發

周淵越南岑拂霧趨東土宿處惟蒼烟逆天徑如縷林光曠鳥散海氣寒
雲聚惆勞感婦歎搖搖涉春雨

過陶山作

奔濟邇我日驚蓬頻異壤朝徂歎京周夕宿怨河廣近涉倦迴薄邇眺極
儻莽乘菰泛星闌挹流對秋爽解雲隨風來殘霞延月上不寐懷古今眷
物徒慨慷瞻漢非尺只歌瓠詎疇曩壁彩終寥聞龍文滋恍像榮光竟誰
覩逝川空復往何以宣我心促柱發幽響

癸卯除夕直北曹作

獨馬向寒烟青陽春明發霜淨肅蘭池雲沈迥丹闕林阡翳易聚江天雁
難沒風物恨徂陰芳菲詎久歇紛庭然多悵嚴闈坐愁越夙心愧盈尊含
情非華髮

雨夜離思

清齊隱蘿月掩暝滋林綠澤國夜溪雨亭皋春草寒山光帶滉漭池響交
檀欒憶處畏入夢遙遙獨寐歎

秋日過庄居

千家樓閣俯溪流一道銀河漾綠舟花洲源裏通仙鄉
廬山面接平疇平疇麻遙趨荒陌虎阜玲瓏望非隔松菊嶺來陶令居雲霞寃對王珉宅
嗟予十載滯華臺無復求羊問草萊行披薜荔尋雲入重寧芙蓉向水來
回看荏苒浮年度物華慘澹臨秋素懷萬半沒混魚蹊落葉全深採樵路
君不見魚腸鏟水只殘流御舞市門難辨處急此令人感廢興何況區區
歎遊寓回棹矣猶未肯前傷心索寞寒烟樹

紫薇花行有序

叔氏虞部貽余梧亭懷舊詩未遑報章秋日散步亭閣紫薇花爛日徘徊久
之亭故余讀書處也昔嘗眷戀此花爲之賦有曰清風時動明月微娟悠
悠我心誰與晤言悲春華之不實綑紫閣而空傳履閒庭以載歎時徒倚
而屢遷垂白嘉於餘藻承封殖于茲軒後余叟遊京臺累踐華省淪飄河
魏返跡敝廬顧瞻此花宛如昨而余白髮被髮娶其改容春華之句永
矣悼心貞嘉餘藻竟何徵耳因作紫薇花行以洩懷舊之思并以報叔氏
云

英菲窈窕綠窗前艷影扶疏翠把連玉衡含照好華夕金風弄彩次寥天

流風逝水驚離索十載幽棲對花萼無情羈宦却歸來有客倚秋歎榮落
蘭宮桂殿鳳凰櫧帝臺仙客恣琴遊可堪殘月照江夢不奈連雲騎省秋
言追漁父賦歸歎寂寞蓬蒿掩弊廬旛旛繁英重入賦婆娑生意最愁余
人情感物多惆悵白髮紅顏兩相向東籬併就菊松姿北山豈孤猿鶴望
青葱搆藻記甘泉潘陸春華此弃捐未忘溫室瓊瑤樹虛擬湘源杜若篇

翠華歌奉寄白廢齋司馬

翠華遙在鍾山側五雲松栢空愁色長干街頭飛落花秦淮樹上啼早鴉
雁門旌旗塞江口城眉哭聲徹南斗翩翩漁獵百艸長紫鱗白額隨龍蹕
赤心將軍射鷹手馬上鸞弓天子傍京塵北風暗麟玉梨園子弟爭馳逐
彭蠡中丞思赤松留都司馬哀黃竹御苑朝天楊柳垂錦綺牙檣那得知
寄書惆悵話王室一夜秋風聲欲絲

雪山歌奉寄彭太保

雪山嵯峨控西極寒井陰光混開闔千秋鳥道無陽春北風慘澹吹峨峨
羽書晝過褒斜道火入靈關微昏曉愁雲百里墳城河帳中銀燭然盤陀
將軍狐裘細馬駄彈箏伐鼓金卮羅指麾羽扇白玉珂背河一戰收蓬婆

銘功刻石報天子，麒麟閣上事已多。憶昔中原全盛日，八方無虞醴泉出。
龍舉空悲劍局藏，海南漠北俱蕭瑟。君王垂衣念西土，錢塘老子不足數。
彭公大梁佇獻捷，已見彫弓出天府。持節心知主恩重，入關更識王臣苦。
文武吉甫非公誰，臨洮健兒勇如虎。驥子朝披玉疊雲，魚父夜濕金隄雨。
聞中一月見節制，烹羊宰牛割清酤。狼籍衣冠頌破竹，馬前父老稱安堵。
固陵佳氣春氛氲，錦官城中日歌舞。當時匹馬更朝天，又逐輕車過酒泉。
勳名豈數七十戰，至今邊卒高枕眠。歸來謁帝承明殿，世事那知一朝變。
功成下吏古所悲，浮雲蔽日今曾見。天下驚聞桓臺火，匣內空留上方劍。
壯士長歌梁甫吟，孤臣獨泣瑤池宴。蓮峰落月照黃河，榆谷飛塵暗蘭縣。
武穆祠西秀水流，一望江山淚如霰。

西湖歌寄方思道

西湖窈窕三十里，柳絲含烟拂湖水。青山蕩漾春風來，蘇公堤邊花正開。
玉缸春酒映江碧，共醉江花柳白。城頭日出照高樓，銀筆琴符喧行舟。
吳妹如花捲綃幕，山水倒入金昇流。朝來復脫千金駿，還有牀頭紫綺裘。
人生行樂莫猶惜，落日松風吹古丘。我憶京華舊遊地，漁浦東看動愁思。

醉裏空歌鏡湖月夢中尚識孤山寺信安使君還舊溪應對花卮惜解携

白沙翠竹無人問湖上孤吟聞馬嘶

長安官舍對新月次韻答宜俯

雨後延新月杯前共此身微暉不照綺清漢欲生塵自惜行將老相看只
合貧賤秋恩無限重感獨端人

余爲郎七載自被謫命忽彌踰年五日郡齊北望依依乃憶長孺
禁韻之對子壽橫慙之篇獨何爲哉聊申短述見古今之情有

同焉耳二首

極目漳河畔雲霞千里平傷茲爲謫宦頻夜夢華京大馬淮陽病江湖覩

闕情雖微子公力猶自憊承明

昔忝舍香貴浮年屢已侵自期酬白璧誰道鑠黃金命縷愁來續恩波謫
去深荆南嘗稽慙行見鄙人心

書感

衰年戶變感歲暮復驚心失計終如此窮愁底似今溪前歷寒色浪裏流
殘陰兀坐但聽影空看沙際禽

春朝對雨懷省中舊遊

山城看雨色回省憶蘭芳春日京華遙江天離思長
疎花開梅樹新水亂寒塘遊子今何去聞鶯只自傷

李氏亭燕對

季也黃花酌依然故里數留芳度冬序遲候賞秋殘細艷雲藏暖疎陰月到寒傷心倦歸者容易兩年看

宴東湖流杯亭送歐陽大參赴蜀

流杯亭上酌修竹亂溪沄暝樹烟常合春山雨不分別情依去鳥客路入重雲懷舊仍傷遠勞歌夜獨聞

出郊陰望楊柳村聊作

乘雲命傾蓋月度征輪地白翻疑水村寒不悟春霧交平谷樹風散朔方塵詎向耕夫問垂楊宛舊津

病中雜言四首

翛然秋色裏斜日下庭蘿蓬徑無人顧空林落葉多山光當戶映雁影掠窗過靜者今方適何言久臥病

東軒微雨後向夕引懷聊綠竹陰常滿青拂葉漸稀無端疎酒盃早已投
寒衣子本渝江客將因謝病端
自予卒世網屢轉歲時侵坐惜衰蓬晏空思近舊林重陽秋戶急月照客
庭深已分愁中老愁逢病不禁
經時謝朝謁因病得閒居日暗牛羊下風吹薜荔疎鄉心候秋水晚計卜
田廬近訏交能絕嵇康已著書

有懷喬白嚴司馬

感肅園陵樹霜天戰角悲後湖衰草色空對漢官儀辛苦趨朝日鶴危
望時江都千萬舸老淚不禁垂

夜作

帆飛川路永烟霧杳空溟渤積寒江渚楓凋古驛亭日沉昏濛影雲起亂
峰形入夜看牛斗安知有客星

江上留別友人

風蓬去未已烟蔓復牽情分鴻下林影別鶴上琴聲征韻惜潮便祖酌畏
尊傾離亭有青草空識合歡名

夕泛旅思

行道轉遠于役定何求旅思依旛憶鄉心向驛樓
古陰凝雜樹梅氣迷
歸流此夕勞歌罷惟應月伴愁

自逐河登舟雜興

歛衽辭闕路徒樂望川淮水練開烟素苔衣結浦華雲行低合柳江濺
細濘沙何必窮源使言采銀海槎

彭城道中雨行

晚飄彭山道嶠雲暗幾峰殘陽向湍沒飛雨度川重誰遣長途思還傷
客踪已看淮岸盡鄉夢渺何從

沛上旅懷寄兄弟

向暮勞歛起川長綬去程鄉迷淮樹隔塞斷楚雲平浪迹舟誰繫繁憂酒
獨傾如何原上鳥偏近旅人情

湖興

客路浮濟濟西風引汶川巖容搖浦岸水色淨湖州旅雁青山外殘虹綠
樹邊滄浪櫓謳聲待枕月華眠

靈巖溪口招范道生不至

倚棹待幽客，蕭蕭風滿休。遥知雲盡處，猶隔洞門陰。岸靜渚花落，溪明山

鳥吟真成獨往趣，自入武陵深。

自一雲至天平登白雲泉亭晚興

鐘聲絕，廻策秀色餘。西岑微徑不知處，白雲長自深。松堂散花雨，溪彌掩

峰陰。獨夜泉亭月寥寥，期此心。

治平寺

風中到香界，獨往意泠然。步引花木亂，坐看洲島連。一林寄空水滿院，生
雲烟正此化。心寂鐘聲於外傳

春暮偕以言海鄉之遊余時病不能詩旋途初月握手論交姑屬

短句以代紀行

信宿滄波棹，殊傷昨日春。聊因泛海興，時偶逐潮人。萬水無他壑，三山卽
此津。乘桴聽從我，吟待月華新。

龍湫

誰云天路絕，瀑布已登臨。石壁烟霏亂，春山河漢深。一峰懸晦色，諸峯下

雷吟恨望飛雲夕搖搖此懸心

宿雁山齋嚴寺

寥寥到真境宿處傍風泉遙隔引蹤磬群峰寒暮天白雲滄洲寢倚石門
禪却笑桃源客空從蕙路旋

楓橋舟中與子衡別

落日下離津江天引望頗黯然對尊酒情觸向風塵白海迷來雁清霜畏旅人從知比柯葉信是共沈淪政理操刀暇交情贈縞新班荆懷雨露投壁謝船磚阮籍窮途淚平原世網身何能亦漂泊谷口正逢春

淮陽

海畔淮陽郡風烟奈此何客心自容與湖上幾經過驛岸丹楓少人家綠樹多雲帆朝見市津火夜聞歌城郭連汎雁江山映綺羅寒潮正相待歸興滿滄波

晚興

悵望林梢返照微渚烟江樹澤冬烟籬邊黃菊人方逸湖上青山興不違斜月暗催漁唱起片雲遙伴鶴飛歸近來好事相過少落盡寒霞獨掩扉

河陽馬上春江寄謝司直

秋空立馬大江堤天畔雲山望欲迷何事愁心學湖水朝朝暮暮金陵西

長干已過落花辰滿地楊花不見春強折垂楊送歸客妙勞亭畔共沾巾

寒夜曲四首

碧殿金風生綺紈宮槐吹盡不留殘沉沉月到苦陰上添却嚴櫳無數寒
空庭鶴藹月凝霜銀燭無光玉漏長清漢數聲往往度夢回中夜憶遼陽
寒切雕窗透錦茵殘更望斷層幕塵空閑不恨飛霜夜總使春來益精神
玉衡低戶夜無聲月色籠寒照不明燈火漸催迎早歲窗愁殺近啼鶯

鍾吾驛晚思

遙山白雲外古驛青林端惆悵川島盡蒼然多暮寒

皇甫余事汎

汎字子循順慶之第三子嘉靖己丑進士歷工部虞衡司郎中調黃州推
官召入爲南京吏部稽勲郎中又謫開州同知督核處州府同知升雲南
按察司僉事以大計免官年八十乃卒子循七歲能詩順慶課之輒得奇

句舉廸士名勣公卿分宣南海諸公皆引與酬和冠益欽慕其門成市子
循頗沾沾自喜竟用是左官丁憂里居御史王言按吳縣專橫民間爲之
謠姬其出于術也捕繫欲殺之亡命得解罷官後復爲陳御史所寃破其
家其爲人和易不修邊幅近聲色好狎遊而不能通知戶外事以故數因
然信心而行不爲深中多數以文章游燕自娛行游湖山之間擣芳采和
以老壽終其天年近代文士所罕見也子循少與伯仲氏及中表二黃
俱詩掉鞅詞苑五十餘年其在燕中則有高叔嗣王慎中唐順之陳東在留
署則有蔡汝楠許毅王廷幹施峻侯一元中山徐京再赴闈下則有謝慈
李攀龍王世貞而謫楚則交王廷陳遵溟則交楊慎咸相與上下其議論
疏通其聲律其自叙以爲本之二京參之列國江左關洛燕齊楚蜀之音
無所不備變亦盡矣心良苦矣司直司勣甫氏競爽學問源流約略相似
始而宗師少陵懋折洗之弊則思追湖魏齊而合咀六朝苦綱續之窮
則又旁搜李唐常弘正之後唱廸功之流風矯北地之結習二甫之於吾
吳可謂傑然者矣司直早世司勣窮老皆不能與弇州爭名子循自評其
詩以謂吾與我周旋久自成一家尚不肯學步少陵而不能不假靈于王

李元美之評子循謂其今體風調頗似錢劉文學六朝時特失步子循著解頤新語於時賢都無評議未知其評元美何如也

樂府十二首嘉靖丙寅作

乘法駕

乘法駕者正德壬午武宗安駕大宗伯毛澄奉昭聖皇太后懿旨恭迎興王繼序卽天子位也當漢朱彊

乘法駕出濟邸辭蘭坂璇楓陛握乾符奉慈音橋中領碣呈字從臣觀稽首喜應帝期稱天子泰階升更化始陋代來芳春起

樂府十二首凡十六句句三字

釐廟制

釐廟制者嘉靖甲申追封皇考獻皇帝越數歲九廟成也當漢思悲翁典禮成四海謚享祀裡九廟翼考明堂庭太室獻皇疇烈祖匹故鬼小幽靈假詠孝思欵明德

釐廟制曲凡十二句句三字

秩郊禋

秩郊禋者歲庚寅上可給事中夏言讓創建四郊是歲日南至肇祀圜丘也當漢文如張

壇峙華圓方神祇奠南北父郎奏旣愈春卿讓僉隼旂想孚筮從鴈閒表
景測營燎迎初陽寅威練嘉日裸獻是上公參乘簡元成八駿火電駕六
龍誠星出天路抗旄旄雲門間琴瑟殷薦升紫烟告成廟斧燭齊輶肅華
班旋金闕清蹕靈馳歷斯今仁孝光自昔

秩郊禋曲凡二十句句五字

歲皇史

歲皇史者歲乙未上命考古金匱石室之制以藏書寶祖訓也當漢上之
回

歲皇史函帝藉金爲匱石爲室鍛葉錦綯卽甲乙迺文革充武庫箭鳴鑑
譽來誤於萬斯年守之銅

歲皇史曲凡十句其八句句三字二句句七字

展陵

展陵者歲丙申上以壽陵之役巡遊自平臣爲都水使者除道西山也當

漢翁離

帝眷固褒謁欵丘陵馳道旦築行殿宵營亘惟成屋列慢爲城般_{云謝}巧周日非靈乾行玉輦坤御金輿六官婉從萬國賓遙鑾鈴響述環珮聲徐五臣供帳百辟燕酬朱明詞辰清和肇節草樹蒙恩禽魚騰悅周歷皇畿軫茲民業遐捐邊關洪恩祖烈去難勞格端泛龍舟山開陽翠_萬川效安流_萬采_出柔情並暢靡藻揚休枚朔第頌翊贊王猷

長陵曲凡三十二句句四字

思舊邦

思舊邦者歲己亥上以章聖皇太后喪卜宅原陵駕幸承天臣左遷黃州獲預從事也嘗漢戰城南南巡紀臚岳東幸緬懷豐白水循往轍丹陵訪故宮江漢曉音楚霜露拂宸衷電奔翼八駿雲興扈六龍不有君者誰監國皇儲且截馳道出翟相行邊細柳中顧公鏘鑰青門北盡發邯鄲道夜渡黃河渭軍容肅肅間官儀豹尾後載班姬隨衛火弗戢漳流半溼憲臣祇爵服邦侯械以徇旌旗蔽日指樊城簫管具舉聲金鉦父老稽首遵道迎推牛置酒宴镐京山川

遍喜色禽鳥遞歡聲闢朱闕掃青室思橫幕存衽席齊心望祀純鶴仙間

周爰園寢接天顏詔發郢門邁燕闈格祖特告鑒輿還

思舊邦曲凡三十二句其十四句句五字十二句句七字二句句四字

四句句三字

管背漢

管背漢者歲乙巳吉慶化邊中因王三尊之入京師震恐布禱于上玄兵未交刃賊就擒虜乃退也臣在南司勅代太宰草賀章云當漢至山高翔虜驕勢惟吉慶自稱華裔効先皇長策一逞百不當誰爲謀者儉子王僧威藉寵祈上玄有征無戰神武宜班師振旅歌凱旋

管背漢曲凡七句句七字

寢盟

寢盟者歲庚戌虜擁衆大入胡馬屯於畿下帝赫斯怒集羣臣庭議采司業趙貞吉言仍兵振旅虜乃退也當漢上陵

庚戌之秋虜大入渡秦越兩嶮古北烽火夜照甘泉宮旌竿控轡長安陷聖我士女蒙毳衣屠我牛羊爲漁父鎮臣氣喪邊將兵弛使職濫官勤王

者死決勝豈有帷中謀主和遂貽城下恥天子旦集廷臣議日中不決猶
持紙蜀郡才華久稱趙慷慨挺身言致討書生由來劍術疎懶擊單于惟
仰表議上始覺龍顏開司馬授策宗伯舉杯暨陴一呼疾聲震雷胡兒躍

馬趨風回群工獻壽咏康哉。

毅盟曲凡二十五句共十七句句七字八句句四字

海波平

海波平者倭夷間數辛壬癸甲殆無寧歲越丙辰司馬胡宗憲受命與司
空趙文華溫平之繫王直俘陳徐等奏功太廟也當漢將進酒
島夷日本稱最雄髡首駢母兩瞳乘舟載險洪濤中跳梁若蝶聚若蜂
揚竿烈炬耀日紅攻城掠邑誰嬰鋒紅女休織田無豐帝命祀海惟司空
授脈秉鉞有胡公狼兵苗卒集江東夜縱巨艦突蒙衝岱海擊直奏膺功
兔窮鳥盡艱厥終

海波平曲凡十三句句七字

更極

更極者歲戊午三殿災帝命斬之更未天爲皇極革益爲中極謹身爲建

極也當漢有所思

三殿災變闕燎天子避寢厭勝以禱朝右个御西清玉食有減金懸無聲
誰其梓慎覩大庭流烏化雀將焉微除宵布新承天意司空飭材俾壯麗
宅中述極欽哉從事

更極曲九十三句共四句句三字六句句四字四句句七字

遣仙使

遣仙使有歲癸亥上暮神仙之術遣御史王大任姜徵分道采訪冀遇異
人授秘書求長生不死也常演七言

周穆躬寢宇蘆武幕蓬壺東生遊調笑西母謔懶愉顛既厭繡解手亦枉
蒲車緩齡霸上藥御氣秘真持玉瑞兩侍御將命發天都齊涼歷南楚旣
越盡東吳姓名河上隱物色市中趨全簡探綠籍瓊笈訪朱青曾未三載
還幸與百年俱禁館禮上士授粲出中厨行聞避驄馬埽見館銀魚精首
願玉體壽考永無虞

遣仙使曲凡二十四句句五字

考芝宮

考芝宮者歲乙丑晦廟座芝瑤光映室乃建玉步宮以時致享昭孝感也
當漢太和

河清社鳴誕聖人握符繪脣靡瑞不臻天垂卿雲景星現地出醴泉澤曼衍
導禾六穗麥兩歧嘉瓜並蒂連理枝三足軒翥肉角嬉遊鹿雀兔咸著姿
包匪驛黃貴四駕芝艸凝祥處處生獻廟忽產屋之楹瑤光瑩潔秀九
莖銅池芝房惡足稱帝命作官時享以報子孫千億昌胤允紹

考芝宮曲凡十八句其十二句句七字六句句四字

芳樹

芳樹九華邊春風一度妍飄香承輦路弄影向甘泉紙葉紛千種灌枝幸
萬年不作淮南桂空山徒棄捐

臨高臺

高臺望不極臨竚意何窮茂苑花爲苑吳官錦作宮管絃虛夜月羅綺罷
春風獨惜鳥啼處猶聞曲怨中

有所思

春風吹繡戶明月鑒羅幃同心阻芳訊千里悵清嘆歌絃塵屢積舞衣香

漸微別有關情處
梁間雙燕飛

巫山高

蜀道連巴水巫山接楚陽情來爲雲雨愁起見瀟湘楓葉吟秋早但聲入夜長何能降神女彷彿夢襄王

龍頭水

隴坂去何長隴水復湯咽處堪啼淚流時更斷腸三秋邊草白萬里戍雲黃辛苦交河使西來憶故鄉

折楊柳

不見隣堤柳長條大道間絲陰流水去帶影逐春還姑眉銷翠黛聽笛損朱顏日暮行人盡思君可重攀

梅花落

早見梅花落江南春未遲如何上苑葉不似故園枝影怯臨妝夜香憐逐吹特無人問消息獨自寄相思

關山月

故園千里月流照入秦關弓影同看曲刀頭未卜還迷雲度客與映水咽

潺湲莫遣青樓去摧殘少婦顏

邯鄲行

寶馬邯鄲道金裝遊偶過一朝罷歌舞千秋傳
綺羅臺榭風花盡郊原烟艸多客心將夜月滾滾向漳河

冬宵引

冬宵不易曙耿耿朔風淒淒沙雁寒猶起城易早未接孤舟泊江上征馬渡遼西豈但金闕裏能添玉筋啼

鳥夜啼

長樂宮中秋夜長美人新得幸君王別館不愁金作屋曲池無羨玉爲梁
門前數報公車過樓下時聞脂粉香總是啼鳥聲轉切歡娛那解曲妻涼

江南曲

錦帆西去遙橫塘画舸鶩來悉粉妝旭日籠光流彩艷晚雲停雨淨蘭芳
飛新帶蝶粘羅幌吹浪遊魚戲羽觴自是江南好行樂採蓮到處棹歌長

春江花月夜

空質芳樓約愁逢江上春月華天外潔花影浪中新詎是沉珠浦將非濯

錦津等言蘭作舫復擬桂爲輪圓缺同今夕
聊異昔辰關山猶自隔攀折贈何因

擬中婦織流黃

金闈方永夜翠袖埋愁機燈花斜落鏡月光低鑒幃寸心共絲斷雙淚與
投揮作伴除蛩響驚眠惟雁飛織就當窗素裁爲遠道衣徒令芳訊達不
及早旋歸

擬伯勞東飛歌二首

蝶雙飛燕並棲春樓燕市花成溪誰家玉人當戶嬌含羞歎笑橫波馳
寶髻珠鉢明月光羅帷翠帳秋夜長秀顏皓齒纓十五時回芳筵作歌舞
雀臺露寢生暮雲空留可憐酒爲君
夜鳥悲啼朝雉鳴青琴絳篋無限情誰家臨鏡總新粧雪鬟刻飾出意長
翠屏錦帳花連理洞房仙光暗香起年幾二七奉下陳光彩流盼姿絕倫
春風東來吹落花綠箇可憐虛歲華

賦得處處春雲生

春色謫無際朔雲不可憐金枝紛映帶玉葉纏聯翩弄影交疏幕合情飛

益邊長安遙向日何處春非烟

鳥散餘花落

春來啼鳥伴相逐百花中嬉處迷深綠飛時帶淺紅祇惜音舌羽非關
憇風回看意不盡猶自怨芳叢

空梁落燕泥

金闈春色早玉闌芳信賒人歸鰥後燕淚盡每先花戶暗苔泥積梁低舞
影斜不作雙飛去東隣王謝家

夏日湖泛作採蓮曲

雀舫疑杯渡虹橋似帶繁湖光湛處全無暑苦氣浮時半有晴此時流水
歌聲起此日採蓮殊未已帆起棹轉逐橋斜樹裏淡邊是妾家翠裙褪殺
風前葉紅粉嬌於水上花花間花落獨含愁人去人來不斷遊玉竿醉霞
何惜晚瑤華零露易驚秋秋露蒹葭沒秋水芙蓉歇萎鏡年年非故顏荷
衣夜夜空明月

送楊子祐知興國

幕役謝皇畿遙征辭帝闕朱明垂方隆修景迎未歇晨旌抗欲徂午馬哮

不發且覆天末觴暫緩星前轍據情涼子裏執手信我說不休蒙嘉運利
用賓將哲彈冠捐族問繆組躋朝列玄士守深湛胡帝生激烈折首金馬
榮襟身玉壺潔平江波涉與吳宮垢氣結一塵竟出守三命聊所繙行行
邇楚荆游深遯吳浙旆指衡服雲帆掛湘干月邇想百代雄浩歎一時沒
顧葆幽谷資母俾蘭芳戒綱介投處言慷慨起長別袂連汗並揮心與屬
俱熱洞庭秋水清擊子中流楫

春日書抱東當道諸君子

殊機幹迴運寶歷啓東節裁陽薄曾暉改陰謝凝結條風衍遐圻飛澤振
窮穴昔感百卉腓今觀群芳悅皇仁美無遺物化滋未歇恫予乘國楨利
實輪朝列命邑奚獨慙憇憇閭良自拙天高赤墀塗雲暗黃金闕區區誰見
知桓桓難具說所藉揚未光終然照孱劣

胥江汎月旋舸登城端詠

江寒湛澄澈華月輝相鮮乘流載尊俎鴻影發樓船翠燼合杳靄閑且帶
長烟萬艘雜燈火千門紛管絃飛蓋櫂崇媒輶棹迴前川曾經故宮裏爲
照荒臺邊情非鳥棲夜跡是鹿游年登高與臨水行樂併悽然

夏日來鳳亭小集各賦

首夏猶芳月終宴就薰風泛觴蘭水上置座竹林中飛花似鳴鳥當
歌同笑將愁暫破醉遣累俱空更待西園景留賞北山叢

春夜游西園同諸兄弟作

佳節值瑤燈清夜游金谷良友披蘭襟懿親儼芳躅經過敝榭邊徙倚寒
塘曲遵渚雖近尋覩峰生遐矚軒冕幸暫違薄領謝羈束跡非三徑荒情
是一丘足鏡裏鬟始華尊中酒初綠及時不爲歡坐遣春光促

奉答子安兄

江郭改故陰家園謁新霽柔條始發林芳艸漸紓砌潘枯信爲開揚亭況
董閉曰余忝明時與子承嘉惠分省各有譽佐郡慙所蒞暫就北山招轉
慨東田稅情忘桃李言跡豈匏瓜繫感遇興長謠來章蘋幽契

奉答子安兄歲暮見贈

在昔參英寮俱承明主顧被服紛妍姿影纓儼芳步悲哉游子情徒以潛
郎故一爲衝國激遂使佳期誤人親悵無倚浮湘眷有慕揚旌指敝廬千里同歸路再聞蟋蟀唱兩見蒹葭露耀靈本易傾馳運豈難度端居懷苦

心苦心誰與晤但感時不然何嗟歲云暮

冬日往虞山作

故鄉誰不懷名山矧余慕一爲塵跡幸遂閑賞心晤偶值芳歲闌遙泛滄洲趣澄江帶餘霞丹壑收殘霧嚴霜委野草寒飈振臯樹指途尋舊蹤流盼成新寓魚樂媿淵沉鴻冥羨雲發歸來徒是今履往悵非素

天界寺贈半峰上人

顧省紛俗夢尋山愜幽趣秋水淨金河寒雲翳珠樹了看花落時莫辨鳥還處休公別來詩江生擬將賦

雨過高座寺

精舍蕭花丘緣雲入香界修策振林間疎鐘落峰外康樂誦阿含陳思演清唱欲除常憇幸惟是逃虛快

始至瀘州作

自我謝郎曹竭來守吏局場翼懷奮飛低眉就羈束驅役遵旄丘興歌睇琪澳愧乏沂海謡何以佐明牧幸宴宣城辭間可理尺牘升旣等陵喬沉亦悟彼復芳艸合江程清猿始旋轂衛水日東流因之鑒心曲

同蔡中郎過王貞外宅懷子安兄

委巷駐高車清溪來幽宅細雨急近年凝燈照寒夕依同南樹情飛異西陵跡爲假雲中翰一寄天台客

往視城南別業

夙齡不事產落魄懷英風抗心雲霄外絕戀蓬高中避世豈在遠漠廷聊見容未識山川險安知途路窮兩自違京輦久欲返臨邛疏公有遺業精舍開牆東命策值蕭序覽物感情悰逕密多陳莽林荒非故叢昔往候門稚今歸成塞翁鳴蜩若騰笑馴磨礪相從搏飛乏高翼何爲苦微躬吾廬倘可適櫬駕幸來同

二郎同溪詞事載青田邑志

謝公永嘉守在郡嘗無爲敦賞值令弟華亭每相攜躋險旣山頓窮源亦水嬉溪名沐鶴是人覩游龍非駕言輟棹際並影浣紗時凌波粲秀色拾翠逗芳儀援琴挑未就解佩贈猶疑高唐後宋玉洛浦悵陳思抒章但唇動締心空日馳來同漱風止去作飄雲辭停聲三婦詭嗣響二郎回

樂清登簫臺訪浴瀟泉

仙蹤詎可攀荒臺尚堪訪簫弄清泉中鳥振紫巖上波動若鶯沉雲飄似
鳬往浮筠本無垢托心在塵想花溪如有靈應流翠山響

從軍行寄贈楊用修

思文際聖君稽古萃群辟子雲侍承明胡爲去荒域被命事犀渠差牒下
鑿室憤志酬八書榮名重三策丁年子卿嗟皓首仲尼泣看尊窮瘴烟放
鵝定何日業旣違操觚動還期製革五月行渡瀘千里望巴國濱水向東
流巴雲忽西匿相思持寸心願附雙飛翼

悼亡友周詩三首

昔我求友生周郎早投分藻綴德玄思雄談發孤憤壁立常晏如崖檢若
乖性落魄懷英風晤言每祛客歲中從薄游時復惠芳訊謝秩始歸田延
益擬問遷詎意雲靡依忽臨露先盡登座揮素琴巡簷度哀聲遺令軒約
終裂書寄遐賓

陶令棄官日徵君寢疾時巨卿宵夢愕元伯晨訃禮申緘五情塞撕膺雙
涕垂旣捐韓康肆復捲嚴平惟冥數豈無驗良藥寧自醫夙昔重季諾感
激平原知雖乏擔石蓄能薄千金施游魂眷仲尼化體虞山隈死生交已

謝留恨翟門題

張仲讀書吳山

輶養辭南陔駕言邁西郭問子將何之避喧謝羈縛堂間豈不憊雲林涼
有託風叩支闌清月鑒董帷薄披帙就長明靜夜靈花落羊亡屏意筌猿
定改心籥幽谷聞鳥鳴澄湖眺魚樂霞綺雜烟絲桃柳互紛灼時枉塘上
篇日積丘中作焉得奮羽翰因君適寥廓

長安十六夜歌

長安十六夜如洗千門萬戶燭花裏閨中少婦夜出游陌上行人忽成市
粲粲珠細映月來翩翩翠袖搏風起風前月下逞嬌姿愛惜春花能幾時
無那蓂莖先落英只愁楊柳漸飛絲游絲飛入黃金地摸暎穿簾果何意
鳳匈常懸綈雪發釐山父罷觀燈戲燈光却照五侯家列炬然胥滿絳紗
豈謂鋪金能作埒亦知剪綵易爲花銀花火樹開佳節遂令觀者相環列
霍氏門牆有後塵魏其池館空前轍淒涼往事已爲陳恨殺懷春似玉人
莫曉蘭房今夜女故多椒掖舊時親明璫盡結瓊瑤衣服爭看錦繡新
襦曳蕙時香散靄移蓮處脂生座香座冉冉隨芳步共道非烟亦非露

馳目還憐梁下期。冶容又爲桑間誤。閨閣今已羨。如雲夙夜誰當畏。行露
鐵鎖遙。閑天上橋漸臺。何必待符招二南。倘被翹薪化四海。應回廣晉謫。

玉河怨

玉河西堤柳青色。含烟弄霧全門側。水接昆池波欲流。日升翰苑光先得。
日光照耀九龍開。萬騎千官天上回。仗影迴飛紫去。珮聲遺雜鸞鶯來。
鶯轉皇州春。漸暮曳珮鳴珂沒。如故物。悲那禁鱗蓮。催人情。總爲繁華誤。
一夜秋風歇。衆芳萍水悠悠枉斷腸。不見曲眉鶯。舊無祇聞羌笛怨斜陽。

太平隄行

余兄子安並友蔡子木皆南移法曹而余亦淹水部。性省家兄時一至焉。既而出補越窻間。因蔡子往者月僅再至耳。蔡復考績北征。經月不一至也。偶過茲地。山色湖光宛然在目。雁行厭侶。長爾離群。延佇久之。賦詩展意。

太平門外古崇堤。嘉樹扶疎夾路垂。負郭盡爲芳艸地。沿湖直達白雲司。
當時王貢總仙才。況是承恩北闕來。御史府中易半宿。尚書門下騎雙回。
青山幾度朝陵節。玄水曾流祓洛杯。鳴珂再過平沙道。問舍多爲後來少。

已看秦賦廿泉宮每憶傳詩臨海嶠驚心歲序易經春舉目湖山寃自新
含香不覩遊蘭客息影徒逢愛樹人由來聚散皆無定欲寄相思那可因

金陵還客歌贈周以言

有客近自金陵還信余特造竹林間別日無多江上夢秋風忽改境中顏
彈絃悲歌橫義氣班荆坐語都門事翻覆人情易堅同榮枯世態昔異
悠悠誰復爲晦才落落何須父懷刺君不見昔時江左重名流一朝虛滅
隨荒丘徒令戶外客雙戰安用車前引八駕青溪遙接易衣口舊宅垂楊
幾存否陳蓮那顧尚書期阮籍惟耽步兵酒白首猶逢梁國人傾心詎信
平原友歸去何如謝世率六門不入最稱賢莫將一掬半畝淚灑向西州
岐路邊

昔時行贈王亮卿下第之松江謁劉侯

昔時邂逅長安道下馬通名何艸草今來會晤閔城傍把劍語故俱茫茫
問君何來西出羣拂君衣上洛陽塵顛惄但使友人識金盡徒令妻嫂嗔
君不見吳王官闈荒蕪久世事何如飲醉消新月正照鹿臺花離心欲贈
華亭鶴男兒快意須目前安用餘名潤身後蒲鞭爲郡有劉君聽馬風流

迥不群江上鱸魚逢正美客中鶴唳更堪聞莫嗟失路無知已行見張華
薦陸雲

長干行送陸儀曹重補南署

長千里金鋪夾蘭阤陵樹蒼蒼控石城淮流湜湜通江水九年高臥東山
廬一朝更踏西京市馬上耽游期不顧緩轡微吟日將暮都人觀者語道
傍白頭何自始爲郎莫恨漢家今用少須看止輦拜馮唐

鑑室成

鑑館開周典鑄鏡成漢儀棘墻春窈窕桑沼晝連漪夫人日衣明上
帝時娥媚御王母玉珮降瑤池

秋夜

夏晦秋俄代星虛夜忽分鑒帷微露月臨檻淨披雲旅思隨桐葉鄉心及
飈群蟬聲雜砧響併是不堪聞

承天候駕四首

東辛方過沛南巡乃至衡翠華臨楚地黃屋駐樊城雲以朝歌白河因夜
渡清寧知天子貴別有故鄉情

金輿移舊邸玉輦出離宮侍從多方朔參乘卽衛公禊堂逢德水獵館報
春風猶指邯鄲路分明愴帝東

茲地承嘉惠仙班喜復從天行傳駐蹕月出候鳴鐘禮樂河閒事山川瀾
上容山來江漢水何處不朝宗周王初宴鎬漢武更之回柳向帷城綺花隨帳殿閑復憐豐邑賜功悉代
時來尚說恩波在何曾慰郢哀

憶游虎山寺

自識溪橋路常懷釋道林水流精舍曲門閑洞湖陰日向芙蓉度春從揚
柳深未沿游後興還似欲相尋芙蓉湖日見高僧傳

新霽

澤國偏宜雨山齊復喜晴雲依飛蓋散日吐半規明蘿逕何嫌密花溪稍
覺平還知滄海上今夜月初生

正陽城樓西角二鷺巢焉

並負青雲翼乘耽紫閣棲攀龍竈殿北隨雉臥城西顧影依雷潔鳴籌候
月迷振雉殊可諉聊此謝塵泥

山行值雨

茂苑多春雨花源信水鄉端居移物候靜悟得年芳山谷松雲亂潮消蕙
雪長思爲拙者政耕牧向河陽

春溪晚興

別業懷東墅名山倚北岑川原澄夕霽雲水亂春陰看竹門從閉迷花路
轉尋歸心不及鳥隨意向幽林

元夕能子叔抑過集時寓常州

國論何年定鄉心此夕搢雁飛天畔驛龍隱日南橋詞宦恩非薄之夷路
詎遙誰憐梁傅淚曾灑漢文朝

雨次沛上

帝昔歌風處人今聽雨來寒催豐歲早聲咽楚江廻野鳥啼荒壘浮雲翳
暮暉徒令過周客一灑廢宮哀

天界寺

城南多古寺爭得道林居馬過談經後鳥來施食餘人天長示滅花月幾
渝虛飛錫何時晤東山欲致書

送王良驛之武岡

白髮微官在滄江，別路長看星趨翼。軒問水過沅湘，採藥身千里。聞猿淚幾行，惟應鴻寶訣。猶得侍淮王。

謁周孝侯墓

地是先朝賜，橋猶異。存枯枝交龍樹，流水到祠門。落日瞻遺像，英風想逝魂。蹉跎余亦晚，愁向陸生論。

寄故園兄弟

旅跡原無定，塵躬且未寧。心將齊塞馬，夢屢到原嶺。世事吳宮艸，年華楚水萍。從來堪灑淚，郭外是新亭。

月下東子安兄奉使將歸

纖月吐簾帷，清光到酒卮。似分盞鏡影，已卜佩刀期。桂惜飛花萼，荆憐別樹枝。預愁江上夜，千里共相思。

早春奉東王駕部時聞上書乞休未得

耽寂懷摩詰，辭榮學右軍。鄉心隨梗泛，春思藉蘭薰。巴水初消雪，巫山尚掩雲。漢家頻遣祀，留待碧雞文。

吳溪夜泛

湖山西郭外一往一爲情日夕看佳氣雲霞不斷生野烟隨徑合漁火隔
漢明渡口迎歸處猶能認棹聲

早春寄台州王維娘

不見天台吏題書問赤城時違花過眼春入烏闌情雅興看霞起離憂向
水生爲邦年最少莫惜宦無成

詠虞山倒影

今夜看山色瀛從一水中溪嵐乘月吐巒翠合雲空波淨明霞淡沙寒落
雁鴻臨杯挹仙檜星影亂芳叢

夕燕孫氏園亭

金谷猶良夜花源卽往時承君開別館道客向前池歌散雲輕駐杯長月
暗移莫持無限興留作去來思

和子安兄夜坐感秋

北戶鳴蟬集西堂落葉過自驚秋興發并入夜情多芳艸萎零露青溪急
逝波此時勞憶處萬里見明河

病中聞子約過修和觀

坐憶仙源裏春風爾獨尋桃花別後路芳艸到時心迎杖聞山犬驚帆見野禽養生如可問忘我病方侵

秋日懷王維損

京國歲華晚江城風雨秋疎聲兼葉度寒色帶雲流羈宦潘生嘆懷人謝監樓如何潮落盡猶未下仙舟

登燕磯後仍過清江道院答蔡子

別有清谿勝廻探思不窮易鳴殘雨歇帆落暮潮通關路逢桃徑江花引桂叢還聞歌水調流響步虛中

子安館中言別遲蔡子不至

今夕西堂燕明朝南浦人雨滋將別淚花點欲離神燭下停杯久目前嘶馬頻所期殊未至含意獨誰申

江上曉發

霽曉臨江渡微茫寒霧多無由辨深樹祇自見滄波岸覺帆前是山知磬裏過平生壯遊地今往奈愁何

秋日偶成

無那文園病秋來獨未蘇江風驚木落簷日惜陰徂拙宦同門限勞生學
戶櫨憤憂何以託惟是苦潛夫

除夕

異鄉逢歲盡一倍旅愁增車從來三署衣香過五陵春晴傳法鼓夜色引
慈燈誰識朝元侶禪樓學老僧

東黃生志淳

作賦渾游洛持書似謁秦長干連大道淮水是通津月下花愁客霜前雁
報人爲君題贈婦惟有素衣塵

送王子亮卿真州訪蔣憲使

歲暮三山路江通一水津舟寒初載雪榻暗舊生塵靜夜聞潮慣荒城落
葉頻懸知蔣翊宅開遲遲幽人

虎丘經司直兄墓

昔是青山路今成白馬泉松塵餘涕後樽酒若生前過客瞻新表鄰僧守
舊田祇嗟春艸宿非復夢池年

邯鄲道

邯鄲隔古道車馬此通津錦瑟空埋恨緇衣易染塵王昌非夢子趙女是才人併逐漳流盡荒臺蔓草春

九日寄子約時海寇甫嚴閩河中盜起

漫有登高處兼當望遠何對花驚白髮見雁憶黃河亂後書來少霜前木落多不堪羈宦日同是阻干戈

登赤壁

萬古滄江上清秋赤壁開浴鳬知舊渚橫鶴見新臺妙齒瑜非昔雄心操已灰媿無題賦手猶欲記重來

己亥歲余游黃碑官晉游赤壁擬蘇長公賦賦一首越甲賓余有滇南之役道瘦輕此欲撰后賦征途未望聊占短律

崑山道中延福寺逢琴僧

維舟深野寺取逕度溪橋宿雨鳴才歇寒雲濕未消琴聲入林細幡影隔花遙流水原無着歸心緩落潮

送徐紹卿還洞庭兼訊方子

臨水朝來望翠山。山西渡人柳情非。遠道花恨是殘春。槁澤聊吟楚尋源。
若避秦祇應方處士。白首共垂綸。

鄱陽

鄱口曉來望潯陽。路此通頽波銷霸業。蔓草沒王官。霧色香爐上。秋聲濕
布中。禪心與游思并落楓林東。

三衢道中

山居無別業。民俗半爲農。樹杪開山閣。溪灣置水春。採薪新朝候。挺乞火夜
聞鐘歲晏。牧虛摘猶堪比戶封。

景王之藩恭述二首

帝亂宜承序。賢王遂啓封。珪分勞辱眷。笙別愴慈容。地接荆衡勝。人多宋
景從。行看江漢水。何處不朝宗。
綺歲占淵識。冠年仰令儀。邑隣豐起處。路卽代來時。桂樹新聞逕。芙蓉舊
作池。寧知飛蓋賞。別有望陵思。

春日訪大林和尚

投跡入空境。看心魄此身。綰巾蒙示結。執鏡爲宣因。石壁初消雪。筠
關久

滅塵坐來花落盡猶自不知春

齒歎

齒錄非余望形衰祇自傷未須論舌在詎是爲唇亡守默渾無語歡歌漸有妨閨中罕靈藥何得似張蒼

感事二首同子約作

長夜猶酣飲平明已見牧鷹鶴懷雅志魑魅幸生投勢殆未消日恩疎葉向秋成功自有序不去笑穰侯

妨賢應取咎履滿竟成災書上批鱗切辭陳祇犧哀憇烟蒙萬里風采動三臺獨惜平津館他時但草萊

仲冬對月數宴答子約

冬暖因恒霽宵遊及望舒弓形雲際引桂魄露中竦棲慙鷁鶴後思深蟋蟀餘清光能幾度再滿歲將除

子約患臂奉訊

靜攝應無恙塵勞暫有虧才非類擁腫德或似支離燕坐停琴後朝霖罷灌時向來觀化意翻訝肘生枝

送子安家之還吉陵之中都

天授我高皇龍飛自禹方地曾留巨迹雲每識神光宅鑄謀應協懷興意
詎忘遂荒湯沐邑因鋼開湖藏國縣祠官給泉闡烈考襄扮榆無馬龍松
柏有鳥翔通孝今王嗣恢圖中葉昌監周興禮樂稽古備文直觀德崇新
廟接靈狹舊鄉卜工維日吉遐饋俟風將東省推予仲南宮曰爾良春鄉
遙獻節秋冰速征航望氣荆塗上登裡汝泗旁御香陳玉枕量幣發金鉢
別淚紛鴻雁來欹陟鳳凰故都行欲賦揚揷思何長

廣寒宮登眺卽遠近流雜處

寶閣凌霄建珠窗映日開月臨疑桂宇露灑卽銅臺山悉圓脩入池倘象
漢廻倚粧花屢發窺舞易能來傾國元因色勞民豈但財地隨胡運改棟
與美人催殷監良非遠秦宮亦可哀聖朝留故蹟皇覽寔休哉

聞劉子威還自洛陽奉簡

別記殷秋日歸當聿暮時枝生游何倦陶令去嫌遲試問山川勝聊陳風
土宜銅臺經故寢金谷庭荒祠滿縣猶花發梁園但參雖鬢先凋作素衣
盡化爲綿余抱傷弓恨君遭按劍凝因聲附張邴久宦欲何爲

暮春雨後病遣

庭閒坐對日仍斜色小猶堪早放衙已過一春纔見燕乍來微雨亦驚花
桑麻自擬勞民事桃李何緣競物華正是茂陵多病骨好從勾漏覓丹砂

春日感懷因東子安

平居每憶在長安却羨雲霄接羽翰騎馬每從雙鳳出逢人憑作二龍看
春游西禁籞舒柳夜直東曹併是蘭轉盼不堪成往事誤身謫自笑儒冠

閒居東吳二純叔王二祿之

北山歸臥各風烟西望長安思惘然直散聞鶯蘭省畔朝回飲馬玉河邊
府中盡道逢時少闕下爭看被服妍爲憶同游雙鳳侶御恩記否十年前

江都代柬寄親故

吳鄉遙接楚雲東潮落寒江一水通王粲經秋渡淮上張融累月駐舟中
朝攀桂樹身將隱夕眺蕪城思不窮若問官家近時事積薪惟說後來功

南省齋居

漢家祀典盛如今幾處郊宮駐輦深燕月懸知臨太乙淮流爭得向汾陰
齊居寃記分蘭省禁衛仍聞集羽林靜數從臣枚朔輩同時零落忽傷心

答蔡子木初秋約游之作

官閒似與病相宜，朝謁俱無起。獨遊禁苑蟬聲移，物候空山木葉報。君知

薄遊丘壑何嘗廢雅興，琴書每自隨。聞說滌生歸騎省却因詞賦，動秋思。

七月六日訪蔡比部作

中郎身寄白雲司戶近青山。秋早知樹下，聞琴蟬噪後。花間倒屣客來時，遙遙榆漢雙星待。冉冉蘿陰滿徑垂，行樂漸宜清夜永。從君秉燭向南皮，

同王子集蔡子館

相逢西府訶初筵，爲語當時一惘然。戶下鳴漑頻帶雨，湖邊落木似催年。人傳台嶽題詩後，客向長沙奉召還。機事對君渾遺盡，莫嫌爭席主人前。

寄許夔州

城開白帝錦江連，見說仙郎出守年。虎患已從鄰境去，猿聲偏近郡齋前。拍如文藻流巴蜀，黃霸功名在潁川。應是漢庭求吏治，非關相府賤英賢。周以言黃聖長過我先人城南故居賦詩見示悵然答此。

疏公別業倚荒城，三逕蕭條蔓草生。薛邑臺池今日淚，平泉花石舊時盟。齊中歲序看踰隙，門外春風換鳥聲。不是裴羊同過客，題詩那得更傷情。

春暮索居

接息無能出世塵，青山何處可藏身。
邀期向子招禽鳥，爲報支公待許詢。
靜對管花思舊事，忽驚風雨送殘春。
朝來閉戶多相戲，猶自含毫擬答賓。

麗春官人詞次韻二首

漢官初進美人歌，一日春暉到綺羅。
漫向玉階啼粉淚，試開金籠理粧螺。
從登豹輦卽恩甚，特賜簪篋命蕪多。
總是相如能獻賦，文園歸後奈君何。
掖庭諸伴盡承私猶是長門奉幕時。
夜月羅幃空自照，春風玉簾不教隨。
画圖荷掩明君貌，圓扇新傳班女詞。
爭得蛾眉無解妬，一開金屋寵全移。
追昔家居兄弟多，燕會鵞歌之樂特盛者。
如耽飛素於寒朝，玩流光於清夜。
雪月二編華萼美矣比承慈戚兼值仲徂無復懶悰悰。

聊申慨咏時丁未秋日

細雨吹寒入艸堂，蕭蕭落葉間鳴鶯。
遊情病後知因減，嘉會年來信不常。
東郭雪殘惟有臥，西園月在總堪憇。
但爭酬脫藻，誰能賦空使詞林泣謝莊。

金陵懷舊

平生踪跡半京畿，別去秦淮歲屢違。
道上投珠多按劍，市中擊筑幾沾衣。

宿事白社僧銷在宅訪青溪客已非莫學龍西達醉尉夜深愁向獨亭歸

普德寺

古寺城南訪大朝高臺一望幾簷條門前黃葉能年暮林外青山覺路迷塔影常圓沙苑月爐聲靜帶楚江湖老僧安坐耽禪定送客何曾過虎橋

送王戶曹擢九江守

甘泉獻賦早知名才子爲郎在兩京闕下承符初出守郡中森戟已相迎空庭廬嶽晴雪色燕坐潯陽江水聲試見古來循吏傳幾人年少寄寧城

贈盛秀才

遊喧因就辟支禪江左玄風屬少年數借慈燈揮藻賦更從積雪照草編潮生靜夜灘聲轉月上空林塔影懸媿我閒來尋白社逢君却在虎溪邊

赴丹陽廣福寺與弟言別

寺在縣湖東舊名日光佛靈異而建上

有座羽第十一茶叟名玉光云

古寺碑題西晉年澄湖如練倚窗前寒雲自覆金光殿荒草猶埋玉乳泉楓葉染霜秋後色雨花和梵夜中禪亦知間水同觀世不奈潮聲送客船

淮北寄故山兄楚邦弟

晚從吏役自堪憊，況是人情重別離。
冰寒深南盡地江山風似舊，游時
花如吳苑春。回早雁憶衝陽信，到遲爲說朝中方貴少。
白頭郎署不相宜。

送張尚寶詣淮南轉還

繁華自昔數揚州，君去無嗟每處游。
試訪名花弔隋苑，好攀黃桂對淮流。
河橋月上關官舍，海縣潮迎放客舟。
年少辟疆猶作吏，功成誰復念留侯。

答吳純叔夏日卽事

江城五月風如秋，帶雨湖聲咽更流。
塵滿清空梁間燕，語烟銷殘樹見花愁。
登樓自可悲雙鬓，陪俎誰將獻一籌。
却憶題詩李嘉祐，獨縫烽火歎長洲。

太華寺詠落花

纏綿落葉各有因，長安萬樹總辭春。
殘粧帶雨惜含泣，薄質隨風易損神。
信斷御溝事似葉，香消清路不如塵。
朝逢鹿女銜將獻逐却，從前色誤身。

聞報紀事

五樓鐘鼓不聞揚，三殿同災特異常。
憑玉須頰罪已詔，止車應受直臣章。
究心自是安茨室，漢祀何能救柏梁。
邊想千官趨走地，却於西內拜君王。

寄劉諫議畿

經年尺素未曾題長夏郊居懶自宜北房塵飛榆塞日西京灰滿相渠時中朝華屬陽司諫左掖吟憐杜拾遺定有封章回聖主莫須焚草避人知

武林追憶子安

曾見賽惟向越城非關爲吏厭承明身隨零露朝先盡恨落江湖夜未平芳草不傳池上夢薇花猶繫省中情湖心諸寺閣題遍留取山僧護姓名

錢江夕泛舟人因指括蒼感賦

冬寒輕樹未凋丹楓江岸似花燒半帆布影懸初月幾處漁燈點落朝
慢世不將辭賦贊端若何用簡苦招白雲東望蒼山路曾記當年誤折腰

聞報

已報旱雲連薊北更看洪水濱江東天高未鑒桑林禱河決難成瓠子功周制備荒儲九載漢家開異策三功小臣亦願輸餘稅却奈歸田歲不豐

早春漫興

春遲今歲因逢閏獨往尋春春望睞日午陰崖初散雪夜深微雨乍催花星橋已見妝廈市山郭煩問覓酒家自是金闕暮麗地不緣兵火減繁華

王子性舍稽履袁相公墓因有此贈

津高閣已成丘一道寒泉萬木秋秘鬱蓋頽遺龍在樵蘇時禁故恩留碑題黃絹門人撰艸積背箱漢使收非是羊羣行暫誤欲將變涕洒西州嚴公解相還豫章追送淞陵作二首

古來開闢自平津幾見功成得表身逸老特蒙褒詔賜乞骸何用輦弄陳東部飲餞辭供帳南驛乘符連去輪歸到宜春酒應熟散金惟飲會卿人明時扈聖廿年餘始得銜恩謝直廬秀水池臺非舊築鈴岡花徑是新除縣家歲給山公栗門巷高懸薛氏車舟泊吳江秋乍冷野人聊爲獻鱠魚史子示袁州詩亦賦

聞君獨抱感時心說却袁州恨不禁草屋春寒無處爇沙隄日暮只啼禽尚思禍起驟乘晚猶道思過賜劍深詩報茂陵堪下淚莫將吟入雍門琴有所思

魂去何須夢情來即是思非緣悵茲夜離似恨當時

賦得有所思

錦席承君燕青樓寄妾家無因挽紅袖留恨與桃花

二月十五夜子凌兄繼謨再賦

再吐金枝烟重開玉樹花非關耽夜飲直是春年華
影轉交花艷明珠滅月輝君能留顧盼時得奉芳菲

西天寺傍卽建國墓

彌勒禪林雨將軍隴樹烟長安今罷笑留恨向西天

題美人蕉

帶雨紅粧濕迎風翠袖翻欲知心不卷遲暮獨無言

寄侍

遇花思舞夜覩柳憶蠶時可道錢江上行雲有夢知

梅花水仙

弄影俱宜水飄香不辨風霓裳承舞處長在月明中

題茉莉二首

萼密聊承葉蔥輕易繞枝素華堪餌蝶爭趁晚粧時
香慣臨風細花偏映日生若將人試擬小玉定齊名

梅子舖題壁

月明清露下荒臺木落空山更可哀夜輕常留金碗在春風曾識翠華來

對月答子凌兄見懷諸弟之作

南北何如漢二京迢迢吳越兩鄉情謝家樓上清秋月分作關山幾處明

古意

承恩憐故亦憐新落葉隨風笑此身陌上相逢斱養婦宮中曾是舊才人

進酒詞

芳情慣向歌前結鬢抱徧從醉後開何事酒乾銜不放杯香暗送日脂來

贈金醫

少年學道山長桑閉戶時窺五色方漢武甘泉初鑄鼎好將靈藥獻君王

詠贈髮

寶髻斜安墮馬粧偷將寶剪試分香纏君玉腕勞相憶底是春心如許長

過北川橋舊寓

客舍依然禁衛西女墻淮月古青溪春風爲笑堂前燕門外何曾識馬蹄

寒夜曲四首和子安兄

風吹芳樹已凋殘却放清蟬入画闌莫道金闈常自愛夜深飄似玉門寒

淡烟和月出霜林落盡寒花只素陰別有蘭釭凝彩焰鑾臺斜倚照冰心

繡戶深沉半掩門玉窗愁對月黃昏閒垂翠帳何曾寐熏盡金龍總不溫
午隨流水去傷神催入風光一度新何事蛾眉顰不展玉顏無伴怕逢春

永興寺散步

帝城西覓古叢林萬木寒垂六月陰庭下閒花齋後偏門前空水定時心

蔡子木

云庭下開花二句可謂詩人之極則矣

安平元夕對闌客作

色少絃歌惟戍鼓村無烟火只漁燈吳趨綵艷閩珠燭一樣思歸兩未能
寄憶

江東烽火已難知亂後郵堪更別離縱有鄉書傳驛使閑緘不省是何時

盤江詞三首

白礪流殘青嶂閣雜公嶺帶夕陽來更聞江水盤千曲何似愁腸日九迴
攢峰夾岸若雲稠下有飛泉一線流春艸深時多瘴癘行人駐馬不堪愁
松風萬壑引盤渦聞唱公無此渡河漢將西征遺疊在至今啼血染滄波

奉和子約夏日郊居

炎日遙從瘴嶺還新開幽徑竹林間南中六月渾無暑猶記衙齋對雪山

十八夜兒牋治酒邀諸父待月始陰仍霽

清夜歡遊忽作陰少時斜月復開林倩敷絲竹陶餘興莫惜兒曹解此心
夜過張子不值

偶隨明月遇君家幽徑無人自落花書帙亂拋青玉案尚餘螢火掛窗紗

次子約答賓

閉戶無營慶自宜逃名漸覺少人知相逢陌上休相問二陸今非入洛時

東子約

東吾達命愛都捐最是憂心易損年頭白逢春能幾許且收雙淚向花前

吳文部

閨中觀鞦韆二首

綵架朱絲盞碧空翩翩雙蝶逐花叢祇知神女能行雨不道仙姬會御風
乍起花間漸出墻只愁人遠但聞香嬌容願倩風爲力故製湘裙特許長
長兄齊中嘗畜白鸚鵡一隻亡後歸之於人

客到花間問主人隔簾先聽語聲頻今來却作鳥衣燕飛向東家別哢春

一皇甫同知濶

濂字子約一字道隆嘉靖甲辰進士除工部都水主事監新廠買人子納

文于司空依倚爲奸利子約按其罪不少費司空心惄之摧關荊州已往
代案前事內計謫河南布政司理問稍遷興化府同知丙辰入覲授幼不
赴里居數年閒居散齋不通賓客少學琴于雲間張氏晚更精詣撰述之
暇鼓琴一二行謂足敝世遺榮也板心釋氏嘗棲息精廬從名僧檢經說
難離大乘法華內典持誦維摩詰品作妙伽它讚習吐納延化術得黃帝
房中秘方謂可登真慶世以交接致病遽卒有水部集二十卷黃德水曰
水部詩意玄詞雅律細調清長于造景務在幽絕山藏水闊披露良多孫
七政曰水部詩清夐罕儼其志意亦復玄曠故其文乃爾忤子兩篇令人
拊心痛絕

趙洛留別華陽兄

浮雲薄高山崇朝去還結游子不憚煩悠悠復徂轍密親自茲曠臨流何
能發衰林動遠風寒江冒輕雪遇物隆所悲興愁頓離絕無以赴洛人懷
哉但吟越

有所思行

悵憶山中暮佳期渺未歸蘿薜含露葉楊柳亂烟暉離愁開塵匣餘香卷

夜衣愁心不及烏猶逐白雲飛

悼子乘二首

肇汝方旣誕發祥良在茲慧敏標弱齡珪璋渺前期服志遠鄙俗規行多惠儀性成宣純孝齊母寧捐軀母患乃始平子先朝露摧慈愛二紀中晉若衝駢馳虛位委空館胤類無子遺天道苟不處在數安可推沉憂達晨暮鬢髮盈人思翰墨芳餘迹形音悅當時起居常若隨顧影獨無依周遑損眠食驚惕長分乖魂來或形夢路絕徒哀悲

溟溟雨露集熙熙歲始更靈蠢各有化人理燭無生念我泉下子一絕如朝榮生男以待終胡爲遘天災天奪良以速安肯顏仁名清塵布虛室寒晦凝軒屏宿艸旅庭薦哀鳥爲悲鳴悵况鯉趨日禮訓猶用情流日無存形涕淚交霑纓惆憂何能已歎息每遺聲堂闌嘶慕迹詩書空復盈笑但

腸九迴心碎成顏崩愧乏延陵達無乃傷吾明

吳中先輩感稱此章昔云水部悼子不減安仁悼亡能叙悲怨

持誦維摩詰品作妙伽陀讚四首

敷塗盡種種諸法亦何常菩提植淨本蘊此妙觀方旋輪衆冥息普我無

量光求彼意識界一與煩燈王

意彼空中真畢竟空是疾愛想豈慧攝權解乃善律應觀諸法身生滅孰虛實願奉饒益情不得起狀流

馳電非久炬燭火現青華五通成達仙道品登三車菴羅列寶樹恒河泛金沙怖礙允都捐是證生者涯

染著悉塵根新故相因續情波無端極苾芻觴自促但弘法苑慈藉佛攝神足一濟解脫津永寘淨茵席

宿昌平

向夕投山界城臨萬壑秋聲薄嵐氣匝殘戍野烟收霜薄低寒雁風長韻素楸迢迢星斗夜應共古今愁

元真觀

列館成恬曠垂軒坐息機未須人境遠已覺世塵遙筠密秋生院花殘日背屏誰將示冲漠予意正忘歸

過陳與竹艸廬

落日衡門下寒谷一水開最憐忘世老終愧泣岐才野艸知年事隣輝覺

暮哀誰能聞嗜酒時忘白衣來

真州留別華陽兄

河梁意不盡相送到真州艸木成今別江山是昔遊各言衰髮客那忍故園秋明發東西恨惟看一水流

行黃石望壺公山

無能屏紛雜聊與問山椒日勢消巒霧江流到海潮綠柔當社樹紅發向陽翹欲就壺公隱_攀笙誰爲招

尋靜安寺方丈

客思隨幽討僧堂到夕曛時懸千嶂雨寒抱一丘雲艸落猶花發山空自易群亦知禪寂處秋色轉氛氤

七里隴

入隴澇晨旭舟行夾翠微驚端障色連岫引江霏水木淹停策雲霞繫客衣從知人去後堪憶在漁磯

離思

愛於人境遠轉與道門親靜得幽探趣閒耽逸生真鶴巢低樹色燕乳落

花塵莫問忘言處明朝是別辰

夏日要王子飲雙松道院

命爾芳樽酌同君物外蹤藥欄華碧艸鶴徑老青松鳥愛留春語雲多入
夏容桃源未可問蒼地暫吾從

舟入石湖烟雨成汎

烟色含微雨秋聲起暮濤水行天共遠雲觸岫同高小泛隨漁笠閒情寄
野醪無令懷往事翻益思偏勞

詠梅花

坐惜江南樹春當塞北花叢中澹芳色歌裏逐年華競月宜香泛嬌風恰
影斜佳人正堪憶持此代疎麻

郡中作寄三兄

海邑罕人事炎天少雁聲林含丹荔發澤蔓紫蘭生纓靄山頭薄漢雲水上行東畜正堪務南國若爲情感念同駢服吁嗟阻寇兵迢迢思萬里今
夕月還明

春日

歲盡方看老却身更將幽思早驚春東郊節候林端見南國山川鏡裏新
宴賞移時淹醉客坐歌滿路起遊塵亦隨景物消愁寂頤得春風長與人

詠園中梅花

上月青陽啓曙光暉園梅變臘識春歸花猶並雪凌芳遍葉似含情弄影微
素落機前紈自怯香分奩外鏡堪依由來物序兼愁思一詠何郎欲和稀

詠春雪

去年春色驚寒雪今日當春雪更飛積素似添愁客裏輕花能逼艷陽暉
閑窗落絮翻何劇小苑新梅綻欲稀惟是香臺塵陌上偏教一夜滿芳菲

啓關

長日齊心解息機仰堪經月掩衡扉忘言客難將誰設避地車塵亦自稀
蟬寂松風還易聽雀驚荷露定難依朝來草席猶相笑却信人間事轉非

周山人詩

詩字以言崑山人風致逸爽倜儻重然諸妙於方藥自謂張仲景而下不能過作內經解鈔政玄旨不蹈前人嘗之京師以詩文遊公卿間少試方藥皆神驗欲以尚醫官之拂袖而去游武林敝衣匿僧寺中提學孔天胤

自翰林出插負知詩闋岳鄂王廟墮壁詩曰何事疥吾壁也命隸人塗墨
掃之至以言詩乃大驚立命駕往謁與定交武林人爭延致以言以言不
憚辭歸與皇甫子凌兄弟善遂主甫氏以言之父諱右與虞山孫艾爲死
友且死屬以言曰常熟可久居居必依孫氏以言不再娶無子老且病辭
甫氏曰先人之所屬也艾之子未具舟逆之遂死孫氏未殮而殯之設木
主臨奠之以時墓孫氏吾谷墓旁東南十步表諸石曰虎巖山人周君墓
子凌銘之曰死生之交諒焉有經千秋百世盟言是徵迄今百有餘年孫
氏之子孫守其盟不替歲時祭焉以言著書多不起艸成輒散去皇甫子
安書規之曰以言有聰明之資曠蕩之才而落魄不羈篇章委散惜此奇
寶委諸泥塵以言之齒長矣忽爾浮沉筋力異昔雖欲驅策末路無從僕
知以言後世不知萬年長恨誰任其悔乎今所傳虛岩山人集者子安詒
書後所存而素問箋解卒無傳焉

留別西湖兼東孔文谷萬鹿園趙龍巖

田豫陽章南衡諸君

淹薄武林游重輪忽四望興諧謝客幽跡類向長放崇嶺遙逐紆澄湖泛
滉漾蓮刹詣諸天香臺遍昭曠聊因杯慶慈一遺迷津妄泉挹氣冽清洞

歷石攢障側足凌層梯迥與丹霞傍烟綿百雉
瞻峩嶺兩峰向曉越吳山
勦觀濤海門上衰莽弔遺墟懷往情亦愴攀踐
匪一途靈異信多狀景物無遁形微尚自茲暢會心旣以玄感來寧弗亮結侶得應劉調逸每相抗
傾座激懸河芳巖企予仰綱繆林中娛萬事等飄埃發詠互酬答真賞繇郢唱淒其徂歲陰白端介征榜踟蹰行復留念此意彌廣斷梗惜臨流撫膺吐深恨

皇甫子循題云周山人留別西湖一篇尤爲選體之冠婉麗以會景俊逸以宣情春容以達氣縱筆三百言無一字翳徑真得古人之髓

春日子沒置酒登盤門城樓縱眺

出游躡城闕聊使殷憂廓迴瞰樓閣重周覽河山錯候禽音尚微初林蔭猶薄密烟生近堤傾暎澹遠落潛盤狎勝引且復娛斟酌快意當遺形所
在卽丘壑

謁岳鄂王墓

將軍埋骨處過客式英風北伐生前烈雨枝死後忠山河戎馬與涕淚古今同悽斷封丘艸蒼蒼落照中

登金山

絕島中流出蓮宮匝杳茫茫雲通北固津樹隔維揚海色朝看近江聲夜聽長獨憐臨眺者千古逝湯湯

理山避暑竹亭有作見寄次答

阮生能抗俗稽子得長林僻境寡人跡閒窗多鳥音蒼藤掛木日短樹臥重陰羨蘭忘機事雲山意已深

九月登虞山大石望吳中諸山有懷華陽

茱萸逢今節蘋折漫爲驅風景登高盡離憂對酒寬林虛殘照入峰遠斷雲攢吳甸蒼茫裏懷人百里看

秋夜對月因懷往歲華陽自泉送理山之荊州至殊勝寺月夜之遊不覺愴然賦此

心斷青天月悠然憶去秋楚宮湖上景良夜故人遊乘桴通依水星河半在舟歡娛回首處荏苒易生愁

白鶯篇爲吳子賦

採秀深谿沚高人思不窮仙巖廻合裡靈整個茫中震澤餘霞接松陵曲

聖通久沙流素月秋水逗賓鴻花色彌霜鏡漁歌遙空一舟沿泛處蕭
灑更誰同

寒夜曲

少年離別不堪言每聽砧聲欲斷魂不是羅幃怨明月向來愁緒怕黃昏

送朱懋道北上

月明愁向此宵多執手河梁意若何千里雲山青不斷片帆何處宿烟波

徐處士鱗

鱗字紹卿世居吳之洞庭山祖德輝富敵國父天常有游閒公子之習以輕財損其家父卒其母蔡携紹卿依同母弟羽以居所謂九達先生者也紹卿少爲諸生受學于其舅氏詩文皆得指授長與黃省曾兄弟善紹卿少省曾一歲曾顧兄事之初名陵字少卿慕李陵之爲人趺宕自喜時從少年爲狎游耽曖倡樂盡廢其產挾策游建業徧攬形勝召秦淮歌姬命酒劇飲酒酣以往援筆賦詩感歎六代興亡之際高歌長嘯引聲出簫謬閒視舉世無如也數射策不中遂弃去晚年食貧喪子一老女寡居踰年一入城市寄浮屠舍蕭然旅人前所與游者咸送皇甫子循及張教

劉鳳掃室布席爭延致之雖篤老弊案梧間雅謹送奏至漏下卒不倦
間有所不可論辯轂涌意氣勃發堅悍少年弗如也年八十六而卒紹卿
少爲詩與二黃及皇甫子安互相摩切晚而稱同調者則子循與二黃之
子河水姬水也河水稱其詩貴華彩尚標致經營用思愈老愈深吟諷再
三真賞自得子循爲釀金刻其集序而傳之

將歸夫椒泊湖口作

咫尺胥臺路風波滿渡頭鶴情懸碧甃尊思協滄洲柳暗藏歸澈花深引
去舟白雲爲帶處彷彿識仙丘

宿治平寺

曉色投真境精廬一駐草幕山飛靄溫春嶺挂星疎洋洋近窺汀火溪深宿
夜漁良宵不成寐花月在香除

江上別盛太學與明

草色汀方綠歸心贊欲華楚江臨別路春水怨天涯飛絮裏征艸青烟暗
遠沙無勞歌折柳腸斷是清笳

寓樓鳳樓言懷

豈是乘鸞客樓居
閱歲華寄情聊翰墨
油汀賞但雲霞
騎跡卒春草銷顏耐
晚花浮生盡如寓君莫歎無家

游南山循嶺東行稍窮幽勝

隴首酬華矚
寒山轉鬱葱
騎林難見日
靈穴易生風
帆影滄洲外
雞聲綠樹中
何如石門興
雲臥趣堪同

宿西莊懷幼于

出郭風烟澹
林扉映綠波
水迴全作帶
樹古半懸羅
月白鴻聲切
花寒露氣多
佳游成獨宿
良晤惜蹉跎

冬日重過西莊

背郭雲莊淨
孤村雁蕩清
岸迴沙半出
山遠雪微明
艸戶連郊色
寒簷傍竹聲
夜深靈輞作
宿處本香城

甲子除夕宿魚卿館

旅跡原無定
衰情此更加
飄零逢歲夜
惆悵宿君家
醕葦春生綠
風扉雪一度
花故園今夕意
悽斷若天涯

秋夜山房與堅公

一到東林寺蹉跎向六年不將陶令酒來犯遠公禪月下寒蛩切花邊湛露鮮上方仙梵作餘響入空烟

秋日山中寄淳甫

客燈經秋短離情向暮深永懷塞馥意一展涉江心嶺宿同哀狹林棲並倦禽白頭誰故舊感激爲君吟

春暮山中重寄張子

烟水途成阻雲天恨渺然素書緣病廢芳艸爲情牽巖綠飛花後春寒細雨前聞君接墓意遙贈蓼莪篇

奉懷子循司勳二首

郢曲何人理懷君獨苦心一官絲鬢盡萬根綠樽深園步撫琴入山行載筆尋有懷良夜采風露滿雲岑寥落空山外蹉跎暮色催歲華看逝不小心事見殘灰畜意舉花去含情遲雁來窮通無可詰空笑楚臣哀

秋日山中懷淳甫

舊事游難續新愁添易催人亡收夜燭歡散徹林杯顧影俱蕭鬢尋蹤半

緣苔在山棲暮類宿處嶺猿哀

送淳甫重往白下

遲遲白下棹黯黯寒雲津怨別清江路相看暮髮人客行偏冒霰家在不逢春長揖郵亭外含情柳色新

山家

山家日翠微澹蕩挹清暉溪水繞門綠巖雲當戶飛夕陽啼鳥盡細雨落花稀遲暮何知客逢歡便作歸

題鄒氏山居

草戶烟波上林扉碧嶺西柳邊時繫艇花外忽聞雞閒樹繁窗暗山雲度檻低主人開徑處惟有綠桑蹊

滄浪亭作

窈窕滄波寺玲瓏水上扉緣窗雲竹淨朱戶露花晞魚逆晴偏躍鷗閒晝不飛東隣精舍近無慮戴星歸

春日結草庵

指引松門路飄飄水上蹊津雲春匝寺灌木豈藏漫苔色終年綠藤花四

月齊歸途餘興緒黃鳥隔林啼

冬日宴何中翰館

乖隔徂年易多岐會面難挂冠辭漢闕避地向江干語別淹宵安聽歌憶舊歡霜天情易慘離綠坐消寒

瓢口山居東淳甫

生事同寒鵠水霜意若何黃金初歲盡白髮暮愁多世慮銷雲梵冥心托
薜蘿故人年亦謝良晤惜蹉跎

幼子攜酌南館

避暑南樓暇逢君遲客時緣陰消夏氣清塘貯涼颸林密雲歸早溪深月
到蓬興闌杯未徹惆悵暝烟滋

寓竹堂寺淳甫攜榼見過

境外歡良昭臺觴戀夕陰暝雪沉碧殿涼雨澗珠林存沒悲前事榮枯愴
暮心一樽仍自惜惆悵別時愁

寄蔣比部

作吏仍兼隱因君憶鎬京白雲籠署樹紅葉映江城環渚烟中盡平堤画

襄行于公方種德誰不誦佳聲

遊報恩寺

荒吟通雲岫烟蘿散紺屏圓梁雲氣盡網戶雨絲飛僧寂鳴鐘罷林荒宿
鳥歸一燈仍自照惆悵戀殘暉

川上晚步

野步斜陽外逶迤度廣塵荻花明翠渚雲葉散華天水冽含霜氣山青帶
暮烟正逢同稼日春酒與相牽

春日登灣上水樓

心賞歡同調聊成假日遊暮窗紆翠袖春檻抱滄流無緣烟催暝花寒雨
作愁紅芳坐來歇登處且消憂

傷黃淳甫

在世同行客君歸莫怨先夜臺多綺歲朝露少蒼顛竹下今傷花前昔
記眠莫教隣笛奏懷舊易潸然

山樓臥病喜清甫見過

疾積懷生慮門閑笑容稀爲樓聊暇日憇几但清暉酒氣凌花架厨烟出

翠微朱顏猶自渥且莫戀羅衣

徐錦衣西園

石磴援蘿陟房龍曲徑通嬌鶯穿玉樹晴蝶戲芳叢竹密雞分曙松疏易入風出門迷路宵回首戀春紅

花朝前一日對雪

仲月花晨逼飛霰點綠蘋紅芳一夜變玉樹幾枝新依檻渾疑臘當杯半助春素華消處盡應避酷陽辰

過東湖寺清甫舊寓

物外生寥沈精廬儼翠微空塵牧蠹簡院靜掩簷屏朗月思玄度清言匝瓦底陳蹤那可卽回首恨烟霏

過東湖寺

物外尋真境雲擇啓梵宮緣沉消夏氣紅艷奪春工嶺色含朝旭威聲亂夕空坐來林月上涼思滿房帷

哭白下沈山人鎮卿

分手渾如昨生離已十年何期從物化天畔忽潛然酒伴淒朝露花情憶

夜絃無由仰挂劍拜手酌蒼烟

歸次曲阿作

曲阿城外草萋萋匹馬東歸日正西亂後客身無可寄
暮深鄉思轉成悽

寓妙隱庵

愁中燕子驚新社夢裏桃花識舊蹊莫向行途歌不只
青山茅屋任君接

雲陽道中

東風仙苑翻芳菲家在雲林屢夢歸河畔草青鶯欲語
城南花滿蝶初飛

寒生古院偏多雨苦沒空階正掩扉留戀曲池春更好垂楊終日墳烟霏

叔貽臥病家園詩以代訊

雲陽郭外曉氤氳飛鞚連翩正逐群天際楚山春易靄
雲中江樹暗難分

鄉心更值風花暮旅跡頻驚陌艸薰欲向龍頭聊駐馬啼鶯深處不堪聞

送陸甥綬適淮陰

聞君抱病謝塵蹤歸臥鄉園綠嶼中水曲更憐藏別島花深偏愛隱房攏
仙芝出地俱成餌琪樹爲林半是叢最憶夜分紅燭靜朱簾垂處月彌彌

征帆渺渺去江濱千里垂楊暗綠津乳燕不堪臨別酒落花偏自送離人

淮陰尚說王孫市楚水空流故春荒戍角聲愁暮起夕陽時節易沾巾

黃舉人魯曾

魯曾字得之正德丙子舉於鄉以易魁其經十五年而弟省曾字勉之亦以春秋首舉勉之一再試不利輒弃去爲古學而得之與中表皇甫冲游十五年得之年七十五治裝將北行屬疾而卒得之長身修髯狀貌類河朔大俠父授產千金悉以寘書其學無所不窺勉之北歸事空同重染北學得之詞必已出不欲寄人籬下亦往往希風李何於甫氏兄弟爲外昆故甫氏之少學得之汝南居多而後乃屢遷焉得之詩多散佚其子德水字清甫撰國華集取所傳誦者數篇余采之以附四甫之後勉之集盛傳於世以其學空同之學也次於李氏門徒之列不令與諸甫齒示別裁之微指云清甫詩附見于後

肺病

肺病因何劇龍蛇久背時小槽誰貰酒弱翰漫題詩貴敵過難結仙舟載已遲春來花鳥意獨飲向茅茨

見鸚鵡有赤色者達賦

珍翮丹砂耀現顏赤玉輝如能解羈韁並日鳥飛
間見黃德水字清甫初名河水

賣花篇

日南氣候天下奇四序皆如三月時幽風設賦爲婆什越俗空傳采寫詩
泉甘土沃山川美長日花開爛於漪不論秋去有蘭蓀寧獨春來盛桃李
初景暉曉萬戶開僰童駱驛賣花來一筐新蓋朝綻摘數種奇葩歲自栽
曲房小閣開粧籠紫貝青蚨走輕轡若箇簾前非墮英誰家門外無殘葉
參珠間玉鬪光輝踏青拾翠弄芳菲花房牋有瑤臺露滴蓋儂家金縷衣

疑塚

英雄事去覩難微疑塚勢勢半已崩試問當時銅雀妓定將若箇當西陵

過偏橋

雨夕復風晨長途任此身前行去已遙孤客藐何親山陰天藏路溪寒馬
煖人旅懷欲有訴軒輅不堪陳

四十八渡

武溪多野涉一日四十八入水人脛寒登岸馬蹄滑

姜布衣玄

玄字玄仲吳江人少博學嗜酒不就博士弟子試與邢麗文游慕好之居于湖濱足未嘗輕詣人或使其子弟學焉亦時謝遣之朝起視案中翼稍可炊卽閉戶吟誦歲中所過相善者率不出百里晚年善黃魯中徐晦魯曾益師事徐姜也徐詩尚華美姜務雅濟極意陶鍊每成一詩輒復捐去若思再三芒藥幾盡不爲時流所知或諷其少貶執道愈堅以知希爲得蓋亦詩家之逸民也秋夜讀書詩云含莊洞理化涉老遠虛無玄珠握中照道心益恬愉可想而知見其托寄矣魯曾之子德水撰國華集載玄詩五篇玄之名得附以傳

雜詩

諷討窮修畧頗悅古人情周楚先河濱漢晉浩波橫吐吞烟霞混徂繡陽春生妙化猶九轉巧拙非一程隋侯白朗瑩和氏自溫明旣使傾甌競又狎魚日爭所以絕琴者千載不復鳴

郊居感興

緒歲遺明代於陵老灌園堵林同桂隱湖水卽桃源賢聖多抔土神仙少
英門達生無二術惟有對芳尊

早春吳淞江小汎

江邊頭白老爲漁手弄蓮舟任所如不盡香風吹碧杜兩山橫黛夕陽初

蔡侍郎汝楠

汝楠字子木德清人嘉靖壬辰進士年十八除行人遷南京刑部郎出守衡州歷江西參政山東按察使兵部侍郎改南京工部同安洪朝選云蔡白石弱冠卽以詩聞初學六朝卽似六朝旣而學劉長卿最後又學陳韋唐應德云白石詩洗盡鉛華獨存本質幽玄雅澹一變而得古作者之精益嘉靖初唐應德陳東之反北郡之弊變爲初唐之體至是乃稍變爲中唐而子木之風調得之皇甫兄弟漸摩者居多王元美在比部子木以泉副入長安酒間高歌其夔州諸詠吳明卿輒鼾鼾聲與歌聲相上下元美謂子木少年雅慕建安晚始陶洗攻錢劉索然易盡而又極諷吳人皇甫氏黃氏以爲如倚門之妓施鉛粉強盼笑則一時風尚互相凌轢可以想見厥後王李之業盛行蔡氏甫氏不啻退次三舍百年之際烟消而論

定向之抑沒者乃復稍稍表見文章有定價豈不信哉黃德水曰子木極第最早服官留都與皇甫昆仲唱和雅有令譽送別登臨佳句未嘗不在人口旣而官爵日尊詩格日損必窮乃工豈其然耶無錫顧玄緯曰子木詩出楊用修所選者爲乾林珍賞晚年率易應酬如出兩手

舟行雜詩三首

華侯熙春陽客行晝已久林驚轉月勞岸密稍雲柳徂心度停舟連頰照光蔽幸采韻音多歌風盡杯酒昨泊荊州莽今宿文陽陂遙天收密雨平關茂春莫分泉障渡咽愁雲出岫離載彈山水曲坐結孤絃悲揚帆平海波繁縟長江浦清眺倦水旅春心寄芳樹風傳女媧歌潮送馮夷鼓行跡方滯淫卜居問三楚

荊州雜詩七首

南皮鶯未返西園歲欲周王門難巨麗羈旅歎飛浮將因嘶望去乘風汎新秋路出龍山館帆經鶴澤洲名都昔信美曠蹟今安求高覽垂新草烟拂古丘緘情會蕭瑟歸步寒涼留傷心不可繼西日臨江流春言弭闌

鶴俄項慰孤遊翻彈晴蓋空雲結重樓玉尊如未慕金瑟堪娛憂
霜風初應候蘭芷澹無滋暮心依澤渚曉駕阻江岐地迥連山渺天長絕
雁遲蒼梧望君處挾瑟應靈妃

迢遙樂平境寥次瀟湘空日月光相照蘭椒氣未窮大招三楚內餘怨九
秋中微有懷忠賦誰當繼國風

雨氣餘三峽雲彩藏孤臺影旗係暮野綺席揮春杯神仙度影盡年歲浮
心摧歎歎巴猿響疑爲楚王哀君門入闕寡佳人寧再來

峻崿蒙山路威紓彌嶺斜池光疑秋月泉竚代春華寒溪聚瑤葉淺徑榮
金沙灑然坐相望高厚流水霰

三楚多秀士青劍復聞辭陪鑾一柱觀解佩七星池芳流戲綠芷平路結
青驥時進雄風賦還承暮雨祠絃歌未解已原野動旌旗秦師帶百萬吳
國聃安危夷陵旣已燬鄖城詎能支在昔承歡豫聯組蔭光儀一朝陷兵
氣王室忽如遺至今嗟百士如何勿三思

故宅曲沱隈荒烟南浦外嵐氣蒙重林空江飄萬籟遠行自慄慄適與悲
愁介緒思既已興前患復云邁寧惜獨蕙蘭言傷雜蕭艾九辨且勿申聊

遺愁心泰

安陵春夕

乘舟竟綿澤弭櫟次齊關嘿聽喧春鳥晴看疊暮山曲洲饒秀樹別渚聚芳營他鄉時已茂游人殊未還

卽事貽儀部皇甫員外

三稔別知已一言殊未申誰謂同京邑猶復阻風神松雲含鳳露花日映游塵西曹有嘉樹悵隔南宮春

退食園亭效韋刺史

崇朝署字罷退食坐園廬春草堵下歇夏花樹底蹠窗玩幽鳥汲水灌嘉蔬卽此爲邦處亦似北山居

和皇甫子循送兄赴浙中

共向青門餞誰爲棠枝歌與君零落後仍苦別離多鴻雁分歧路風波汎曲河傳詩惠連日莫不寄羊何

初上讀書樓

一倚層樓上風烟自曲阿山晴俱入牖月漏迥臨河散帙流螢落吟秋早

雁過無端見鄉樹却憶別年多

山中立夏卽事

一樽開首夏獨對落花飛幽僻還聞鳥清和未換衣綠幃槐影合香飯藥
南肥盡日柴關啟蠶家過客稀

鳥戌唐氏林亭

訪舊烏溪畔空林別戌間鑿池通暗水移石壘高山微雨秋雲後疎花夕
照間平生愛幽寂於此欲忘還

報恩寺塔

寶塔中天構君王奠鑄年皇圖脊界合海氣鳳樓懸萬嶺開江左千門倚
日邊南山留作鎮長見法輪圓

觀音山閣

沙畔右縱橫廻流向玉京遊人望遠至高閣幾年成落檣青山色邊江細
雨聲乘舟何處客正及海潮平

送陳郎中出守廣州

轡別南州守聊爲越客吟三江看雁盡五嶺入雲深風氣通襟落人烟接

海陰炎方將帝命併切飲冰心

九日登高

楚洲寒意動忽感授衣天自雁投斜日黃花隱暮烟殘風雨後鬢改滯
留年鄉思東籬畔江流爲我傳

題峴山濟公房

禪精澄湖上山光似鏡中踈鐘落葉細雨帶秋蟲峰竹虛窗映爐香別
院通何期碧雲合一酌對休公

晚過施子

霖景開芳艸樽前落晚霞蟬聲經雨斷鳥道入風斜幽徑過求仲青山近
謝家相看江上客共惜九秋花

寄華鴻山學士

知君謝朝謁山水賦尤工才過雕龍客心齊失馬翁烟霞留戶內花竹隱
墻東莫道風流意如今異洛中

自端洪沂江入信州

暫得辭文牒虛窗画舫開江趨鄱口落山向信州來接樹迷帆人殘嘵頓

夢回無人共登眺翹首越王臺

初至大梁題撫院壁

祇役初紓覽茲方信鉅藩詞人在梁苑俠客近夷門水勢神河莫花枝樹繁兩京聯絡處何以固中原

紫薇宮行祈祝禮

行趨紫薇闕儼是北辰居瀕氣通玉屋玄風徹禁臙神祇猶望幸雲雨爲前驅將命叨成禮端章扣玉虛

奉和皇甫百泉玄武湖供事

解說澄湖上高齊擬石渠九州分職貢萬戶入園昔常侍傳符後郎官對草餘絲網隨處滿人吏此中疎積水神龍澤青蓮太一居鳥啼宜靜院雲梯護幽墟式重思周典先牧憶漢初不知供事日仰止意何如

遊徐公子西園

一

西園飛蓋月中遊隨意登攀自可留門徑近連馳道樹池塘遙接漢宮流坐看虛牖明朱蠟行見深松間画樓一自王孫聞別第鳳臺花易不知秋

自題前山草堂

草堂舊結北山阿，逋客還家洽薜蘿。遠院松林嵐翠重，滿庭蕉葉雨聲多。
清樽自對叢花發，高枕無如啼鳥何。若道世情堪澹處，門前終日俯滄波。

正月三日同諸公蔣祠遊講

半山亭樹影參差，帝里風烟開古祠。芳社自宜彭澤酒，後湖兼勝背家池。
壇前松列停雲蓋，巖曲梅抽帶雪枝。孟月卽看遲景麗，陽春已入郢歌詞。

答岑山人見問

問余何事謝京華，遼向南州寄一家。興似步兵綠嗜酒，地如勾漏爲丹砂。
楓看江上三秋葉，荷挹湖中幾度花。欲識此來兼吏隱，抱關仍得傍烟霞。

高座寺

雲公臺榭至今留，休暇追隨訪古遊。秋色總歸紅葉寺，楚江還見白蘋洲。
松林月上言彌靜，閑道鐘殘思轉幽。莫訝爲郎食佛日，官閒禪定兩悠悠。

行後園新池

後園鑿沼愛連漪，日日行園人不知。浴易參差雲宿處，戲魚來徃芰搖時。
晚依巖岫分寒翠，秋入芙蓉映倒枝。最是一泓清與足，五湖情事寄臨池。

山中書齊偶題

一蓬初服謝朱轡。自愛吾廬堪避喧。
喜爲倒橐收萬卷，玄因拙宦艸千言。

院中流水鳴殘雨，窗裏青山近小園。
已覺林丘容嬾慢，更看風物滿前軒。

吳皇甫子安

與君闋下共彈冠。翰墨筵中更結歡。
五字沉吟詩品絕，一官憔悴世途難。
清琴欲鼓含愁斷，短札猶存掩淚看。
詞客招魂終渺邈，獨慙作誄似潘安。

東施廣文

自覺外臣還舊里，客來稀甚艸堂閒。
乍逢野老頻呼酒，慣學禪家獨閉關。
樹近書帷雲冉冉，溪喧人語水潺潺。
質文肯枉籃輿過五柳門，前且看山。

秋山積雨

湖烟漠漠草蕭蕭。湖上柴關正寂寥。
綠吟愁連蟋蟀梧桐滴雨間芭蕉。
家園病肺誰相問，僻地驚秋不自聊。
獨有沙鷗爲伴侶，且將心跡混漁樵。

游南嶽二首

萬里清秋望楚疆。郢中潛邸協靈昌。
形連交桂炎荒外，星應璣衡北極傍。
岳郡自憐依寶地，帝鄉猶似近龍光。
寧知往代浮湘客，江畔離居怨碧芳。
曉晴已到開雲處，晝靜疑聞鼓瑟歌。
湘水英靈終縹渺，湖陽道路此經過。

乍辭出郭塵喧斷翻爲歷山底慨多更道秋風破南極歲暮朱鳳欲如何

送何縣令赴東莞

何君標格冠衡陽官應星辰近拜郎衣錦暫還湘水曲腰章言赴粵人鄉
裏厭接室公庭靜茉莉編雜別院香一片冰心向南海誰知樹表是炎方

過內弟臧原順新築艸堂留題

外家庭玉最相憐父客今來思惘然院裏看花新築後壁間題字幾秋前
親知送遠難爲別薄宦懷歸豈待年留取諸泉初釀酒春風還擬泛湖船

赴蜀初發明齊南石諸君相送溪上

驛余萬里向川西薄暮摘舟泛晉溪秋霖尚看鄉月近風鳴已憶峽猿啼
陳情欲疏同烏易奉使聊因訪碧雞那得回車東下日相迎還復幾人齊

途中別舍弟汝言

年來已厭遠行游新命嚴程敢自由江上那堪玄雁斷山頭猶見白雲浮
鄉心蜀國聞鶲語時憇瞿塘看峽流弟且還家報兄好歸期定不過明秋

送錦官後江行紀興

秦林綠縛午雲稠萬里歸人下益州樓雨正看相逐去鶲啼從此不須愁

輕舟迅速沿中溜勝地經過即上游計日峽東隈炎外水天一色接江洲

督兵後還省祭吉州

勞師父駐碧江漬白鷺青螺證昔聞已掛旆心行省月尚餘游興隔洲雲
曲灘楓葉迴漁棹兩岸蘆花叶雁群堪歎清波照塵綵開山羽檄轉紛紛

同翟星谷程紫山黃星池遊岳麓書院

紫蓋千盤山轉幽還分嶽色繞潭州朱張院啓松陰靜屈賈臺連岸月秋
泉折九迴歸洞壑峰開一面見江流官程且逐閒行伴肯信吾能盡日遊

自岳陽泛舟下武昌呈姚嚴二使君

炎天征路洞湖邊縣駐油幢訪洞仙徒從便隨漁客棹烟波誰認使君船
鴨闌落水沙痕出魚浦濃陰樹影連行望江樓黃鶴近白雲如待意悠然

癸亥暮秋遣祀山陵恭覽七陵御寢二首

帝城佳氣五陵通路轉紅門望鬱葱秘室孝祿時省薦清班禮視月遊崇
金莖幾樹垂甘露繡嶺千重嶂朔風職領熊羆看宿衛萬年長守翠微宮
燕山昭代玉輿臨處處園林抱碧岑曲磴蒼梧萬盤路秋天白露九重心
殿開御帳重韻外地苗靈芝殿陰竊媿遺臣比柏幹諸陵培植栢森森

小橋道中卽事

第失帶整兩三家火種人端石徑斜行值深山小春候女郎祠下半巖花
將出峽立夏前作

蜀江雲裏喚釣轎幾片殘花萬樹稠未換征衣逢入夏一年春事在行舟
過古寨口

女蘿垂壁翠屏開水落空營雨滴苔征客漫愁城路濕蜀山返照向關來
王九江廷幹

廷幹字維楨涇縣人嘉靖壬辰進士除行人南刑部主事出爲郡佐遷戶
部員外郎官止九江知府皇甫子安在留署與相倡酬維楨以戶曹榷算
浙關子倅上大司徒論止云廷幹與越郡蔡汝楠並以弱齡漸翼鴻達雙
曜麗采駢聲藝苑雖終賈復作蘇駒再生蔑以加焉其爲當時民譽如此

天壽山行宮

天施三春發離宮四月闢觀河懷禹跡問野見周才日氣生高廟雲陰拂
翠臺太平叨扈從文雅愧鄒枚

春雨登樓

庚午夏客居年華江上風流勝習家在閩朝母舍初植隔兩株雨濕槐花

施青州峻

峻字平叔，靖安人。嘉靖乙未进士，授南京刑部主事，歷郎中、山知青州府。以內計罷官，張文隱深惜之，有廬川詩集八卷，特推其七言，今始謂可方唐應德云。平叔以詩自重，在僚友間，矢口彈射，人不能堪。既出守復往，杜興以此故也。家居接如斗，與籍共具署之曰甲秀，非同調不與登歌詩，歡飲以終其身。每笑曰：生平無病，強半病醒其事。以是死乎，果如其言。

林臥東方外友

空齋寂寞對青山，桂樹叢深好寄君。南嶽先生勾曲去，東林長老沃洲尋。
蝶攢露柳聲偏咽，蝶繞晴花影自閒。踈懶能令相識遠，孤雲獨鶴水悠悠。

野老

野老攜觴時，欸門農談兼。母叔寒溫築欄當午，蜂偏亂釣檻平溪水不渾。
身隱沒勞名太，著齒剛爭得。舌長存秋風落日，頻鷗亦醉臥。廣衡長子孫。

次宋石樓春日過訪作

停雲脉脉對春杯，宋玉招尋此日來。屋矮坐看書，接棟溪平行。愛水生苔

河橋細雨舟初泊山郭寒烟梅半開萬里心期空歲暮滑大朝懷黑頭回

過南郭野寺

休沐出南郭尋僧一扣闕孤燈燃白晝踈磬滿秋山東帝經年苦有寄
日閒齋厨清供罷驚鶴欲飛還

石居

何年此卜居一徑入幽虛隱几青山近焚香世事踈庭廡過別院松子落
前除我欲爲隣舍同看種樹書

倚樓東徐長谷

倚樓極目思無涯溪上幽居似浣花未信年華欺客矣也知春色到隣家
柳塘汙漫生新水桃徑參差疊縫霞散枕竹牀潭欲夢不禁啼鳥隔窗紗

窩雲居得張龍湖相公詩

精舍岩甃隔翠微我來便覺世情遠疎燈照雨簾花落短簷風木葉榆
白雁虛疑千里信青山容得幾人此詩成正在鐘鳴後獨立空庭舊舊衣

侯布政一元

一元字舜舉樂清人嘉靖戊戌進士

和蔡白石湖上晚眺

赴省鶴樓後看山立馬時夕烟澹秋水寒鵝附空枝拙宦頭堪白鄉心夢
獨知猶唱歌雅調不似越聲悲

寄石屋

一枝梅已定舊葉未全貧白水連三畝青山作四隣易出拔古篆牛馬應
時人獨愛林間月無由寄許詢

夜渡甌江

暝色度蹄枕長風動次寥漸藏江岫月正落海門潮委運同飄瓦全生學
緯蕭江湖易成夢頓歎清朝

朱射波閨人限韻

淮南遠樹江南信玉筋先隨玉管揮一病經春殘豆蔻亂紅如雨恨芳菲
光同滿月疑星入暉學丹霞有鶯飛帳殿却愁生會面煩君猶辨是耶非
附見侯一舉字舜卿武舉之弟有龍門集

知家兄南塘樓居書懷

人意各有趣自得貴不違潛虬本淵媚冥鴻入雲飛自是愛芳艸非關薄

紫巒南塘山水清可以築釣磯曠野一登樓青村四作圃出郊甘離索高
齋保玄虛日夜起棹歌處處見樵漁野老多農語東隣聞讀書避地翻近
人臨潭非羨魚當知陶晏意莫必塵市居

行路難

君不見車氏假字同嗤異良堪嗟又不見澄子衣紡織寧願禪細非勢利
自昔等如斯何但今人心術移乃知把握亦徒爾對面芙蓉荆棘裏寂寞
休看出岫雲榮華但付東流水

吳恭議子孝

子孝字純叔長洲人文端公一鳴之子也遜翰林庶吉士出爲工部主事
歷光祿寺丞遷湖廣參議提督太和山子孝當時侍文端公命賦傀儡中
婦人應口成詩坐客絕倒議論秀發手不釋卷爲文章弘衍浩博玉函堂
稿十卷皇甫子衡點定摘其佳句數十聯以爲無謝英靈常病宋史繁無
欲加刪潤藁未就而卒

送張山人徵伯歸橘李

失路誰相念思家自不禁吹簫江市伴爭場旅人心釣之王孫飯蓬萊

子金有才常不遠歸人白雲深

送陸別駕之安州

作吏本王畿，虛溝葉亂飛。秋風吹易水，寒雨灑征衣。
戍火障邊障，原霜見佩闈。機吟興好還，喜篴音猶諦。

送鄭薦和奉使東萊

上宰承周財，王官抱楚才。堂封鸞詔下，鏡映錦帆開。
海沒魚龍夜，仙宮日月臺。相如誨負弩，旅節幾時迴。

初春過張子言

青松峙海嶠，寂寞子雲居。大隱非人外，微言乃道初。
閒蕪朱閣小，花氣玉琴虛。白石饑堪飯，逢君意不疎。

玄寧觀夜集贈張子言

我不能奮身奔漢舉，蛟龍手挽日月登。
玄官揚帆浩溟泛，滄海玉芝若木空。
相待燕京耽體誰與憐，拜趨公府心欲穿。
桂薪玉粟銷爭煥，蘿馬青衫愁着鞭。
虎頭張侯昇半雪，崎嶇繡帶腰環玦。
勝迹田生燕市臺，藏名管子逐東榮。
斗酒夜過玄寧觀，接劍悲歌耳變熱。
酒酣樂極氣益振，投瓊角勝。

雄三軍六練的燒真塔素花轉瑞雲走朱電勢窮一叱顏色同星爍輝
鬼神變滿堂大笑冠絕娛盡舊翻令肝胆驚張侯質我浮玉觥
了不爭嗚呼人生得喪何學母世事紛紛易詎覆塞叟底顛發失馬鄭
焉知夢分鹿下堂罷酒客復醒春月皎皎河漢清明朝却出節
徒含郭隗情

清明與孫都督伯良出郊遊迎思陵禱二寺觀郭尚書園池
將軍宿衛未央下歲改不知春艸長連礪出郭天氣好細雨浮雲合日光
清明花柳榮婀娜士女分明艸間坐陌煖遊人行不息烟深好鳥啼相和
石杠流水帝壇東玉岫蒼松佛宮左逶迤再入古道場貝葉塵生空影堂
日午鳴鐘看禮塔當年飛鞚憶穿楊漢家諸將誰第一共說將軍勇無敵
胸中禮樂輕儒生四海承平難詣闈金馬樓遙遙落魄與子閒行寫心腔
熟葉常憐髀肉生龍鐘却近傍人惜人生不樂奈老何君不見今日山丘
祚朱轂鄭園池洞鳴蛙多碧桃飲開經辭蘿英酒何時對瓊臺疊鼓鉦

聞高歌

閩居懷京儀部補之時袁抱病

空庭戰寒葉。寒日下。高原雖北闕。下白雲。常滿園風清。琴設靜池昏。鳥語喧。茂陵方請告。捐憶奉清言。

臥疾聚桂園

乍達賓景歸。已驚玄髮素。豈伊蒲柳姿。猶本金門步。紫殿慙華綴。淒風流官樹。遠嬰採薪憂。具臣曠天務。自省玄尚白。還嗟時漸暮。初旭懶荆屏。山樊淡輕霧。行藥據方池。寒波欲成沍。感茲日月流。苦爲簪組誤。墟萌挺殘英。庭松悅零露。負暄有深懷。飲冰非前懼。棲遲此中固。淵賤粉華慕。

橘溪僧院

蟬聲不出寺。鐘斷抵聞香。流水迷松逕。閒雲滿石牀。無言忘寂莫。宴坐得清涼。歡謝人間事。冥心叩藥王。

次韻答銜山

積雨新添曉。漲深忘機絳。終日狎沙禽。臨流欲濯纓。無垢繫纏綯。頻移樹。有陰罷釣舟。閒橫檮浦乞。齋僧去。下空林。山花盡。齡山翁笑。山外黃鸝送好音。

孫處士文

太學七政

文字世節常。熟人父爲考功郎。家貲鉅。萬世節任俠。父喪致十郡客來弔。

蓋領其家學詩于沈啓南與周以言皇甫兄弟最善以言嫂世節之子未
盡之於吾谷從先志也未之子七政字齊之能詩好客世其家風十試鑽
院不第家有圓池日與四方詞客賦詩宴賞客醉而遺洞月其水出諸城
外懷引陞水滌之累費數百金家中薄有三子而才雲間張長與過訪命
三子卽席賦詩仲子森得煙字有但携明月去猶似別時燈之句長與摩
頂激賞作長歌以記之森與余偕舉丙午伯子之二子皆成進士齊之有
渝浪生自傳及松韻堂集十二卷齊之之論詩曰吳中自廸功以後皇甫
兄弟競真而司直公尤卓絕世皆以禪接匹東覽不知東覽高處不但格
力正以其神情曠絕會心霞表當與古人相埒此正司勲所深識讀司直
詩不知司直之難試以今人極得意詩誦過更讀子安詩却令人爽然自
失然後知司直之高正如月出蓬萊聞島中豈人世風光所擬余有族伯
父審言字仲思世節之外曾孫也余羈貰時嘗語余曰少以父執侍司直
兄弟聞其論五言詩以猿啼洞庭樹人在木蘭舟爲妙境自七子盛行知
此者鮮矣用是知先輩學有師承苦心孤詣非苟然成名于世者齊之之
論司直蓋其先世風氣熏習得之於見聞者精且確也余錄孫氏詩附于

高氏之後俾世之嗤點前賢者知所省焉

和皇甫子浚韻送周以言

有客今朝別無家何處還隨梅頻望寄衰柳不勝攀江漢淹高節乾坤亦厚顏故人如問及雙矣已成班

和石田翁落花詩次韻

以下大學七政詩

欲賞須當趁新遲來只恐墮芳塵遺輸連夜追遊者孤負明朝早起人委地不收空伴月招魂何在併傷春兒童戲折心猶怪雨妬風欺莫可嗔

寄懷禹錫阿咸得寓百花洲上

蕭然窮巷一茅廬却喜頻迴長者車避地不忘悔福隱移家還傍伯通居春風洲上花猶發夜月門前柳自疎若憶嗣宗長嘯處豈堪回首重踟躇

春盡日聞鶯

正愁春去對春風忽聽鶯啼碧樹叢無數飛花向簾幕將愁盡入一聲中

關山月二首

關山片月犯含秋萬古長懸青海頭愁殺清光照沙磧暮時白骨未曾收
古塞蕭蕭白紗辭遠家營裏刀光輝可憐空學蛾眉影夜夜關山照戰衣

王闢惣

紫塞黃雲萬里間征夫一望總滄滄今古沙場惟白骨幾人生入玉門關

鄆舉人教

就字文度其先華亭人元季徙常熟中正德丁卯鄉薦母死遂不上公車以通經博古爲學嘗倣呂成公大事記論次古今得失類成卷帙曰如有用我執此以往年八十八而卒詩學乃梨東坡不屑時調爲文有體要陸子餘歸熙甫皆稱之特與客論文曰噫嘻文之敝久矣文真粹于經聖賢以其精蘊而形諸辭辭可以已聖賢必無事于作作焉者不得已也誠知聖賢之文不得已而作則文非載道而該治具勸戒可以無作聖賢志之所至而其文出所謂浩博而純正者言之必有倫而不苟陳之于世燦然若引星辰而上也其無所不究賢者識其大不賢者識其小烏有支離泛濫詭妄放蕩而不宅于理者乎三代而下放臣棄婦之辭瀆之尤足以興感者性情也今之爲文者無古人之性情與其所遇之時事辭與意背以訛爲恭以恭爲約導俗歸愚悲樂之無度浮濶而無法語暢也而實迷譎工也而無度人言西京之文近乎古不知壞古人文者楊子諸人有責指

余錄而存之以見前輩有本之學如此

致道觀七星槍

琳宮何岩峯真氣凌青蒼中有古榆樹傳植自蕭梁歲遠四樹存如斗酌天漿東株聳而老慶曆補其亡中株蘆瑞壇少日嬉其旁枊動手可撼鐵柱鑽蛟搘今已剪不遺彼虫盜其香兩株在東南偃蓋覆修廊攢枝細而密葉聚如針芒擁挺折三本糾結連肺腸龍也方出海挾以子母將兩株在西南赤立膚無霜侵寒捐殿角督力示堅強龍也得雲霧搘勢不復翔六子莫囚鎖帝招遣巫陽北株最怪異不與群木行贊幹盡屈鐵大矯五低昂辨葉知乃樹尋柯惑其方衆視興怪歎應接不得遑乍疑古崖尤蓄力抗軒黃拓臂運五兵有徒實跳躍勁者抒脫枯穹者弧方張橫者奪槊舞堅者操矛鏘何乃大小柯廉脊如斧螳怒虬拔山出隱霧勢騰驤理斷一絲續膚削流乳肪我語非強聒網視乃知詳四槍皆左經玉晨遠相望脊晴亦慘黯昏黑常晶光仙真籠訶久山鬼憑持長至今空翠衣劍佩時將將蜀廟青銅栢深郡羽葆柔圓經儀封殖況我桑梓鄉入景星月夜清嘆徹虛皇移酒與飲欽風露裝石田爲東樹高詞振琳琅遺墨付好

事烟姿漫雲房我詩數摹寫傳之起譜張錄詩冠巨圖尚與捨作堂

雷殿面壁

鄭莊有辨能凝神始臻理筆端具天人難以茫昧擬致道古儂都山水麗
清美雷宮設像画捶鐘盡其技画得宋名手善造天神鬼淳古出造邊意
忘得深肯左壁挾風雲沙礫捲空起有神操火具怒目流獰視當其燭所
及妖魔蕩無址右壁已淋落雲氣來纏纏似間轂雷車不及掩其耳南壁
雲驥驛霆旌建旂有神被介胄韜偉母奮紫執殳見其宰如以職備使
北壁當晦冥相去不辨咫有神手天瓢九龍運其水勢欲翻九河雷伯鼓
未已社神走關關恐懼違晝筆白旆威雲表奉令察戒石靈祠本清肅長
夏願無此入門見壁盡鮮不生戰慄假令革其頑像教良有以邑史有朱
生運筆妙莫齒吹豪追其踪三歎遙前軌道玄貌冥獄施帛口雲委惟以
神妙故歸命難悲喜歲月如水流藝學日零圯君看邪愁先画妙託僊死

慧日寺十八大阿羅塑像

至人自藏珍古貌元氣備搏土造佛徒追真信難事亭亭青蓮宇諸天莫
其位尊者十二輩高座納雙屣巍巍超凡表座眼有瞳視深厚藐漂山廣

博欲際地靜沉馬足萬專守門不二覺能越幾先慈欲放踵流龍驤以殊
秦虎跳以呪弭目瞬澄淵黑頂突草峰翠若眞外形骸能以理勝自嗒然
了得喪何有立同異塵柄操瑩玉寶花自空墜想當經營初計手空俗士
我思彼尊者所造亦深邃而經入方夏後乃道宏肆以莊撫蓋有以道徧
衆智窮山養枯骸歸易習其學善士瞻楚相瓶錫此繢侍安得如此塑慰

我懷古意